



噶瑪蘭廳志

ル 4
3099
2



九 4
3699
2

臺灣府噶瑪蘭廳志卷三上



禮經國家定社稷措之則正施之則行雖因土牛芒神式宜
惟民從久而惇典秩敘自我有唐凡

朝廷勅為典章頒為令甲遵而守之率而行之察察之
所趨踰皆闔閭之所瞻仰也矧其中有與民相為維
繫者顧容以不矜莊也乎志禮制

歲逢元旦禮制禮制慶賀
壽聖節冬至日凡三大節文武各官於前一日齋沐率

禮制 慶賀

所屬赴公所習儀預於公所正中恭設

皇帝萬歲龍牌於亭南向設香案於亭之南其日五鼓設

燎於庭設鐙於門廡各官穿朝服到 龍亭前文武

分東西班行三跪九叩禮擇一員爲糾儀官若

萬壽聖節前後三日各官俱穿朝服坐班至期行慶賀禮

均如前式

迎

詔

詔書由郡轉派員弁賫送至城外隨傳報各文武官員

龍亭森輿儀仗鼓樂出城外道右迎接賫送官捧

詔書置 龍亭中南向文武官員具朝服北向跪迎鼓樂

前導至公所文武各官分東西序立賫送官東立西

向禮生 唱排班樂作文武各官依序北向行三跪九

叩禮賫送官捧

詔授展讀官展讀官跪受詣闕讀案前宣讀眾官跪聽讀

畢展讀官捧

詔授賫送官捧置 龍亭中眾官行三跪九叩禮畢皆退

分送各衙門掛示宣布軍民

迎春 鞭春附

通禮直省迎春之日先立春日各州縣於東郊造

芒神土牛立春在十二月望後芒神執策當牛肩在
正月朔後當牛腹在正月望後當牛膝示民農事早
晚屆立春日更設案於芒神春牛前陳香燭果酒之
屬案前布拜席通贊執事者於席左右立正官率在
城文官屬以下朝服畢詣東郊立春時至通贊贊行
禮正官一人在前餘以序列行就拜位贊跪叩興眾
行一跪三叩禮執事者舉壺爵跪於正官之左正官
受爵酌酒酌酒三受爵於執事者後行三叩禮眾隨
行禮興通贊芒神土牛鼓樂前導各官後從迎入城
設於公所各官執采杖環立樂工擊鼓擊土牛三酒

各退按此自

土牛芒神式 會典歲冬至後辰日於歲德方取水

土製造甲巳年東方甲位乙庚年西方庚位丙辛年

位以桑柘木為骨牛身高四尺象四時長八尺象八

節尾長一尺二寸象十二月頭色視年干如甲乙年

身色視年支如亥子歲腹色視年納音如甲子年立

色視立春日納音口開合尾左右麾視年陰陽陽口

開陰日合陽麾左陰麾右○芒神長三尺六寸五分

象三百六十五日鞭長一尺四寸象二十四氣老少

視年支孟仲季

寅申巳亥為孟老午卯酉為仲壯辰戌丑未為季少也

衣色帶

色視立春日支衣色用冠支帶色用支生

如立春日屬水衣

取土尅水用黃色繫腰取木尅土用青色餘可類推

置髻視立春日納音金耳

前木耳後水左前右後火左後右前土在頂直上

也髻耳視立春時晝夜子丑全戴寅揭左亥揭右卯

至戌則手提陽時左提陰時右提

蓋寅亥為通氣故揭一邊子丑為嚴

凝故行纏鞵袴視立春日納音水俱有火俱無土有

袴餘無金木俱有金左行纏懸於腰木右行纏懸於

腰謂金行纏左關懸在腰左木行纏右關懸在腰右水日俱全火日俱無土日則無行纏鞵子但著袴

○土牛鼻用拘芒神手執鞭拘以桑柘木鞭以柳

枝柄繫繩鞭著絲視立春日支寅巳申亥日屬麻子

卯午酉日仲用芒丑辰未戌日季用絲芒神立牛左右視

年陰陽陽立牛左陰立牛右芒神立牛前後視立春

距歲前後歲前五日外立春者立牛前歲後五日外

立春者立牛後歲前後五日內立春者立與牛並

耕藉

通禮直省府州縣各於東郊先農壇側擇沃壤

為藉田按直省藉田廣四畝九分歲仲春吉亥或用季春有事

先農之日另詳在祀典正官率在城佐貳耕藉是日屬員

眡土宜備穀種青箱朱鞭耒服耜耨牛及他農器耕

器預陳耕所耆老率農夫披蓑戴笠俟於田間通贊
分立田首又向

闕張畫屏設香案一南向通贊立香案之前引班立通

贊之南皆東西面致祭

先農 儀詳 禮畢各官易

蟒袍詣藉田通贊贊行耕藉禮正官以下就耕所執

事者授耒耜與鞭皆左秉耒右執鞭進耕以耆老二

人一人執種箱播種一人牽牛耨耒二人扶犁九堆

九返畢釋耒耜以次享立田首為首上農夫遂終

畝告畢事各官補服望

闕立通贊贊齊班引班引至香案前按班序立班行北

面耆老農夫稍遠列行北面隨立贊跪叩與行三跪

九叩禮興各退

器具

農具赤色牛黑色耜種箱青色所盛耜種照本省土

宜擇勤謹農夫二名充其是役給以口糧令看守

壇宇灌溉藉田敬謹收存所收米穀以供該處祭祀之

案盛

朔望行香

會典每月朔望直省各印官率屬具禮服分詣

文昌祠 文昌祠 城隍廟及各方祀 神祠位前上香

武廟

文昌祠

城隍廟

及各方祀

神祠位前上香

三炷跪叩如常儀

救護日月

還禮直省府州縣衛遇日月食各按欽天監推定時刻分秒隨地救護各省所見不及一分及不見食者無庸救護凡救護以素服將事各於正署以正官一人領班行禮胥糾儀二人通贊二人引班二人陰陽官一人報時屆期設香案於露臺上鑪檠具早晚隨日所向布拜席於香案後陳金鼓於儀門外報日初虧贊跪叩興官行三跪九叩禮興贊上香官三上香畢贊伐鼓香案前伐鼓三聲儀門外金鼓振作報日復圓金

鼓聲止贊行禮如初畢各退○月食亦如之

按外省衙門行禮三次聞有初次乍虧二次食甚皆素服皆行一跪三叩禮至復圓則盛服又行一跪三叩禮者因附志之

臺灣府噶瑪蘭廳志卷三中

祀典

提嬰 陳設圖 刑穰壇 先農壇 神祇壇
大神廟 祭旗纛 城隍廟 厲祭 關帝廟
文昌廟 天后宮 蘭中祠宇

古者名山大川祭因其地省方觀教道設以神能
 大業揖大惠者聖王管制祭祀不獨平九州者祀
 祖殖百穀者祀為稷也顧宗伯所掌治統神人而
 春秋家作撰原之論則曰良為神主神依人行於
 乎班朝蒞官會通饒行其典禮而神祇上下明德
 薦以馨香志祀典

祀事提要

辨官

主祭官

分獻官

同祭官

執事

監宰

牛一羊一豕一為太牢羊一豕一為少牢凡牛

其毛血存少許以告神其餘及

賜胙皆以淨桶盛之以供埋瘞

凡應用器皿俱

監造膳羞

為餅糗及製收發祭器

俱要視檢提調

次

通贊

司饗

司饗洗

香壇

司爵

司帛

讀祝

飲福受胙執事

祭期

春秋二祭均用仲月其日

文廟以上丁

社

稷以上戊

神祇

關帝

文昌

天后

皆以是月諏吉

文昌或以二月三日

關帝

又於五月旬有三日加一嘉辰之祭

常雩以孟夏

後先農以仲春亥日或用季春 火神以六月

下旬三日 屬室以寒食中元二節及十月朔日皆

於先期三日主祭臨祭及執事者沐浴更衣散齋二

日各宿別室致齋一日同宿齋所惟理祭事

省牲

祭前一日執事者設香案於牲房外獻官常服贊者
唱詣省牲所 唱省牲及省畢 唱省牲畢乃退
凡宰牲必取血以告殺取毛以告純以盆盛毛血少
許入置神位下

視祭器

俎 木為之以陳牲 登 銀金為之 鉶 範金為之 簠 以盛
者俗曰牲盒 以竹為之薦棗栗菱豆以木為之薦
簋 以盛稷皆 以棗栗菱豆以木為之薦
鼎 以盛牛為之 簠 以盛黍為之 簋 以盛稷為之
俎 以編竹為之 爵 以金及磁為 尊 以盛酒
以盛酒 盥洗尊盆勺 梲 視案置草中以閣祝版
以閣爵帛 香案 并紅棹圍 香爐 并高 香台 祝版 文帖祝

燭籠 即紅燭亭

治祭物

太羹 肉和羹以五味 黍 稷 粱 形鹽
麇魚 棗榛栗 菱芡 韭菹 醯醢 菁菹 鹿
脯 鹿醢 兔醢 芹菹 筍 魚醢 白餅 黑
餅 糗餌 粉糈 飽食 糝食 帛 色白

陳設

制帛一端 白磁爵三 或以銅 牛一 羊一 豕一
登一 劍一 篚二 簋二 籩十 豆十 酒尊
一 香 燭

設酒尊所盥洗所於丹墀東南尊實酒施幕設埋瘞所於廟西北丹墀東面及露臺設炬長廊各設燈

社稷陳設圖

臣

社右

組羊一

銅簠 簋 籩 豆 簠 簋

鐙

陪祭

陳寶 寶 寶

籩形豆 簠 簋

香案 陳香 爐

當階

主祭

不

銅簠 簋 籩 豆 簠 簋

祝文 盤

陪祭

社左

組豕一

東

階下 盥洗 東

社稷壇 取土人信者用土人行備土人封築西東面皆水

通禮直省廣州縣各建壇六丈餘廣袤亦宜留之

社稷皆一丈前是香案一廟如文香案設於壇前案東

社右 社左 社右 社左 社右 社左 社右 社左 社右 社左

稷左異位同 壇高二尺一寸 歲以春秋仲月上戊日致祭皆以長官主

壇方二丈五尺 之長官有故則佐貳以次攝在城文官丞史武官把

總皆與祭 割牲省齋盛糾儀執事贊相禮儀均於

屬員學弟子內選充前期主祭官暨陪祭執事官各

於公廨致齋三日掃除

於公廨致齋三日掃除

壇內外祭之前夕掌饌潔備品物置案於

神前設香燭眠割牲官公服詣案前上香行三叩禮畢

宰人牽牲告臚遂割牲以豆取毛血瘞於坎及祭之

日雞初鳴執事人入設案一於

壇上正中北向陳鉶二實和羹簋二實稻梁簋二實黍稷

籩四實形鹽棗栗鹿脯豆四實菁菹鹿醢芹菹兔醢

若不能備各就土所有以其類充案前設俎陳羊一

豕一又前設香案一陳祝文香盤鑄錯左設一案東

向陳篚一實帛二尊一爵六又設福胙於尊爵之次

司祝一人司香帛二人司爵二人位案西東面階下

之東設洗當階為主祭官拜位其後為陪祭官拜位

文東武西通贊二人位階下左右糾儀官二人分位

陪祭官左右均東西面漏末盡主祭官及陪祭官朝

服畢集

壇外引贊二人引省盞官入

壇徧視牲器酒盞饌者告潔退左右引班二人引陪祭官

入東西序立東班西向西班東向引贊二人引主祭

官入至階下盥手通贊贊執事者各司其事贊就位

引贊引主祭官引班引陪祭官成就拜位立贊迎

神引主祭官升詣香案前跪司香跪奉香主祭官三上香

興贊復位引主祭官降階復位立贊跪叩興主祭官
暨陪祭官行三跪九叩禮贊初獻引主祭官升詣
神位前跪司帛跪奉篚主祭官受篚恭獻仍授司帛司帛
興奠於案司爵跪奉爵主祭官受爵恭獻仍授司爵
司爵興分詣

社

稷位前各奠正中皆退贊讀祝引主祭官詣香案前跪
祭官皆跪司祝三叩興奉祝文踞於右讀曰維某年
月日某官某致祭於

社

稷之神曰惟

神奠安九土粒食萬邦分五色以表封圻育三農而蕃稼
稽恭承守土肅展明禋時屈伸春秋敬修祀典庶九丸
松柏登磐石於無疆翼翼黍苗佐神倉於不匱尚
饗讀畢三叩興以祝文復於案退贊叩興主祭官迨陪
祭官三叩興贊復位引主祭官降階復位立贊亞獻
引主祭官升詣
神位前獻爵於左贊終獻獻於右均如初獻儀贊
賜福胙引主祭官升詣香案前跪司爵跪進福酒於右主
祭官受爵興舉司爵接爵興司饌跪進豆肉於左主

祭官受豆拱舉司饌接豆與各退贊叩與主祭官三叩興贊復位引主祭官復位立贊送

神贊跪叩興主祭官暨陪祭官行三跪九叩禮贊備饌執事官徹饌贊瘞祝帛執事官奉祝次香次帛次饌詣瘞所禮畢各退

附考

按社祭五土稷祭五穀宋時社稷風雨師各一壇明社稷另為一壇設神牌二左稷右社以木為之朱漆青書題某處某社之神某處某稷之神藏於城隍廟祭日設於壇守土官行三獻禮祭以春秋

仲土戌之日今仍之

先農壇

通禮直省府州縣各建

先農壇

壇制與社稷同

歲以仲春亥日致祭或用季春主祭陪祀文武

官及各執事均如祭壇上下祭日雞初鳴執事人入設

先農神案於

壇正中南向陳鉶一簋二簋二籩豆各四

案前設俎陳羊一豕一又前設香案一陳祝友香盤

祀典先農

實物詳社稷條內後皆依此

鑪鐙左設一案東向陳帛一尊一爵三陳福酒胙肉
於尊爵之次設洗於階下之東質明引班引陪祭官
入引贊引主祭官入通贊贊執事者各司其事贊就
位引主祭官至階下盥手就拜位立陪祭官接班就
東西拜位立均北面迎

神上香讀祝行三獻禮祝辭曰維某年月日某官某致祭
於

先農之神曰惟

神肇興稼穡立我烝民頌思文之德克配彼天念率育之
功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉奠章聿修祀事惟願

五風十雨嘉祥恆沐

神庥庶幾九穗雙歧上瑞頌書大有尙

贊 餘儀與祭

同祭畢率屬行耕藉禮

耕藉詳上
禮制條內

神祇壇

常祀

寧祀

祈祀

報祀

按雲雨風雷為神天之屬也山川城隍為祗地之屬也其祭之名常則致祭於春秋雩則禱雨於孟夏祈

知新年之祈報即報賽之報

神祇壇

壇無定制多附先農壇行禮

常祀祀

云雨風雷境內

山川

城隍之神歲春秋仲月諱吉致祭在城文武各官皆與致祭之禮設案一於

壇正中南向

晴瑪蘭廳志

卷三

祀典神祇常祀

六

雲雨風雷神位居中境內

山川神位左

城隍神位右案陳銅一簋二簋二籩豆各四案前設粗
陳羊一豕一又前設香案一陳祝文香盤鑪鐙兩設
一案陳帛七尊一爵二十有一福酒昨肉陳於尊俎
之次祭祀儀節祀官及執事官序位及簋籩等所實
諸物並如

社稷壇儀祭日有司供具執事人預入序立引班引陪祭
官入引贊引主祭官入通贊贊執事者各司其事贊
就位引之官至階下盥手就拜位立陪祭官按班

就東西拜位立均北面迎春煉二軒上日之曰今

神上香讀祝行三獻禮祝辭曰維某年月日某宮某致祭

於

雲雨風雷山川之神曰惟

山川

城隍之神曰惟

神贊贊天澤福祐蒼黎佐靈化以流形生成永賴乘氣機
而鼓盪溫肅攸宜磅礴高深長保永貞之吉憑依鞏
固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣尚

饗餘儀節與祭

社稷同

附考

禮諸侯祭封內山川今之守令視古之百里侯封奚
翅倍徙故皆得與於祭焉唐山川合雨師雷師並祀
宋山川與社稷合祀元別祀山川而以風雲雷雨附
社稷明洪武初正山川壇於城西北風雲雷雨壇於
西南六年以風雲雷雨山川為一壇十四年更以城
隍合祭設神牌三中題風雲雷雨之神左本境內山
川之神右城隍之神祭以春秋二仲上巳之日今設

壇仍其制焉

雩祀

通禮歲孟夏後諏吉雩祭陳設儀注同前

祈祀

通禮若聞不雨及潦諏宜祀之辰具祝文隨時撰擬備牲牢

籩豆香帛尊爵鑪鑪守土官率屬素服祈禱為民請

命行禮儀節與常雩同

報祀

通禮既應而報陳設供具朝服行報祀禮儀節均與祈

祀同

附考

按堯湯之世不能無水旱之災暘雨愆期為民請命
 惟有恪遵典典地方官設壇致禱力田之民亦惟有
 分禱於社神口祖以迓靈貺而已蓋祀神之道不外
 一誠誠之所孚求無不應其在月令曰仲夏之月乃
 命百縣雲祀百辟卿士之有益於民者以祈穀實而
 周禮荒政十有二一曰索鬼神注家謂搯索鬼神而
 祭之雲漢之詩亦曰靡神不舉觀於月令之文則知
 所謂索而舉之者豈有益於民者也乃鄉民無知不
 諳禁例每值旱澇奔禱於山魃野魅之祠自棄其屣

水築防之力甚全與土水之偶敵鉅戴柳伯成言
 抑思彼淫昏之鬼何能為一方禍福也哉 吾學錄

八神廟

歲六月下旬三日將黍陳羊一豕一果實五盤承以五日
朝服行三跪九叩禮迎

神上香奠帛讀祝三獻爵送
神望燎均如儀

附考

按會典及通禮止載

京師祭 火神之儀今府州縣歲以春秋仲月司土官
誼吉致祭用少牢行禮儀節與祭 神祇壇同張災
患以安閭井亦為民祈福之一端也而闕中此禮多

舉於綠營弁兵無非以發炮施鎗九頓禮鹿豕祭獨不見畧歟

祭旗禮

歲霜降前一日闕標暨存城官弁兵士盛裝鎧仗迎請旗纛到教場張幕劄營至期五鼓以帛一色白羊一豕一行三獻禮禮畢放炮揚威撤幕束裝擊仗回營踞纛於廟

城隍廟禮

通禮祭城隍禮城隍之禮法亦與天官同故祭陳牛一羊一豕一果實五盤承祭官行三跪九叩禮迎神禮上香奠帛讀祝三獻爵送神望燎均如儀

附考

按城隍字見易泰爻之上六其義則禮記天子大蜡八水庸居七或曰水隍也庸城也此城隍之所由名歟其神之見於史者南齊書慕容儼傳有守郢禱城隍獲祐事見於集者唐張說張九齡杜牧皆有祭城隍文見於說部者李陽冰為縉雲台以不雨禱於城

隍神曰五日不雨將焚爾廟竟得雨為新兵廟以酬之迨後唐清泰中封以王爵宋建隆後其祀遂徧天下明初去廟為壇加封府曰公州曰侯縣曰伯旋去公侯伯封號定其主為某府州縣城隍之神其後又改用廟祀設座判事如長吏狀迄今因之會典及通禮止載

京師 都城隍遣祭之禮直省城隍合祀於 神祇壇又以 神主厲壇之祀每月朔望守土官詣廟行香行三跪九叩禮遇賜雨愆期則禱於廟蓋以 城隍實主一方之治福善禍淫原為理之所有也吾學錄

廟祭

通禮直省歲三月寒食節七月望日十月朔日祭厲壇於城北郊前期守土官飭所司具香燭公服詣神祇壇以祭厲告本境

城隍之位上香跪三叩興退至日所司陳羊三豕三米飯三石尊酒楮帛於祭所設燂鑪於壇南黎明禮生奉請

城隍神位入壇設於正中香案一鑪燈具贊禮生二人引守土官公服詣神位前贊跪守土官跪贊上香守土官三上香贊即興

守土官三叩興退執事者焚楮帛守土官詣燈籠前
祭酒三巡退禮生伏奉

城隍神位還

神祇壇退

附考

按春秋傳子產為伯有立後使鬼有所歸遂不為厲
則厲壇之設正以無主孤魂或能依草附木求食殞
民故於季春仲秋孟冬歲祭者三迎 城隍神以為
之主即國儒治鄭之遺法也然無主之鬼既有此祭
自不敢復為民害即聞有搏膺之晉厲被髮之良夫

皮其冤孽相誘及見一物禮可免惟自省為 惡
以弟一前創此鬼之押搖而意神出月照作善人不
林楚子不修河禁而鬼神究不得而祟也時
不察值陰陽偶辰寒暑違和推其致病之由輒以
為羣魔所祟雖有和緩不取驗於參苓乃召巫師
為收魂祛鬼之計遂使病者偃卧在牀聽其目就
鉗一家男婦徒營營於飯巫化楮渺茫無益之為而
巫師遂得憑其符籙造作誣詞謂某日某方鬼神作
祟竟使其家愈增惶惑乞靈茶於野廟昇木偶於通
衢為門外之祓除舍室中之煨藥及至病成縣儗即

使華扁重來亦將望而卻走是病豈可治一經引邪入室乃真為鬼所祟矣豈不謬哉錄

[Faint bleed-through text from the reverse side of the page]

關帝廟

直隸涿州縣及山西解州故軍湖北當陽縣墓所

關帝廟歲均以春秋仲月諏吉及五月旬有三日致祭前

殿主祭以地方正官一人後殿以丞史其事以禮生

祭日陳設迎

神上香奠獻讀祝送

神賦燎禮儀並與

京師祭前後殿同前殿祝辭曰維某年月日某官某致

祭於

我神武靈佑仁勇威顯關聖大帝之神曰維

帝浩氣凌霄丹心貫日扶正統而彰信義震九州完大節以篤忠貞名高三海

神明如在徧祠宇於寰海靈應不竭薦馨香於歷代履歷異蹟顯佑羣生恭值神誕嘉辰遵行祀典冠陳饗饗凡奠牲醴尚

饗 後殿祝詞曰維某年月日其官某致祭於

關帝之

曾祖光昭

祖裕昌公

父成忠公

公世澤貽庥靈源積慶德能昌後篤生神武之英善則歸

親宜享尊榮之報列上公之封爵

錫命優隆台三世之肇禮典章明備恭逢仲秋春詠吉祇事

薦馨尚

按詠吉與上嘉長皆指五月 恭查

節祭禮是日味爽廟祀肅穆殿宇內外官具祝版備

器陳

前牛一羊一豕一登一釧二簋簋各二邊豆各十鑪

一殿中設一案少西北向供祝版東設一案陳

制帛一飽香盤一尊一爵三牲陳於俎帛寔於篚尊

帛饌送燎各用奉瑞帛登饌以次送燎如儀贊掌
燎引祭官詣燎位視燎禮畢樂止祭官及執事皆退

同日後殿

光昭公位

裕昌公左

成忠公右均南向位各異案每案羊一豕一雞一籩籩各
二籩豆各八簋一罍一殿中設案稍西北向供祝版
東西各設一案分陳制鼎三炷香盤二爵九尊三俎
篚幕勺具設洗於後垣門內甬道東祭官位殿檐下
正中執事各以其職為位如常儀贊明祭官由前左

門入後垣中門盥手升階就位迎

神引詣正位前上香畢以次詣左右位前上香復位行

跪六叩禮初獻讀祝如儀凡饌節均與前殿同

歲五月旬有三日致祭前殿

神位前陳牛一羊一豕一果疋五盤籩豆具陳設及行禮
同日並祭後殿每案羊一豕一果實五盤通贊不贊
徹饌司爵以執事生餘陳設及行禮儀節與春秋祭
並同

廟

直省府州縣暨四川梓潼縣鳳凰山

文昌廟歲均以春秋仲月京師春祭以二月三日地方官躬詣致祭

陳設器數行禮儀節並與

京師祭廟同是日昧爽廟祝潔掃殿宇內外官具祝版

備器陳設洗辨位設樂均與

關帝廟同質明祭官朝服詣廟贊引二人引祭官由廟左

門入至東階上盥手畢引詣拜位前立通贊贊迎

者各司其事引贊贊就位引祭官就位立通贊贊迎

神樂作引贊贊詣上香位引祭官入殿左門就香案前立

贊上香司香跪奉香祭官上炷香三上辦香畢贊贊

位祭官復位立贊跪叩興祭官行三跪九叩禮興通

贊贊贊爵爵行初獻禮司爵揭爵窸勺挹酒寔爵司

爵奉篚司爵奉爵各進至

神位前司爵躡奠篚於案三叩興司爵立獻於案正中各

退司祝詣祝案前跪三叩興奉祝版跪案左樂暫止

贊跪祭官跪通贊贊讀祝司祝讀祝詞曰維某年月

日某官某京師致祭於

文昌帝君曰惟

蹟著西潼樞環北極六匡麗耀協昌運之光華累代垂

靈為人文之主宰扶正久遠天感應薦馨宜致其曾

宗茲當仲秋用畢禮備其歆格鑒此精虔讀畢興

以祝版跪安於篚內即如初與退贊即興祭官行三叩禮興通贊贊行亞獻禮樂作司爵獻爵於左如初獻儀通贊贊行終獻禮司爵獻爵於右如亞獻儀通贊贊徹饌徹畢贊送

神引贊贊跪叩興祭官皆行三跪九叩禮興樂止通贊贊奉祝帛饌送燎執事奉祝帛香饌以次送燎如儀贊望燎引祭官詣燎位望燎禮畢樂止皆退同日祭後殿正中奉

文昌帝君前代神位南向設案一陳羊一豕一劍二簋簋各一籩豆各八祭官行二跪六叩禮初獻讀祝如儀

祝辭曰維某年月日某首某致祭於斯維精粹而

文昌帝君之

前代曰祭引先河之義禮崇反本之思矧夫世德禰光延

賞斯及祥鍾累代洞列宿之精靈化被千秋為人交

之主宰是尊後殿用答前麻茲值仲秋肅將時事用

申告潔

神其格歆尚

饗餘陳設器數及行禮儀節均與

廟帝廟後殿同

附考

文昌之祀其說有二一以為天神史記天官書斗魁戴匡六星一上將二次將三貴相四司命五司中六司祿是為文昌宮文昌之稱始於此一以為人鬼在周為張沖在漢為張良在晉為涼王呂光在五代為蜀主孟昶在姚秦之世又為越嶲人張亞子立廟梓潼山唐明皇西狩追封左丞僖宗入蜀封順濟王宋咸平中改封英顯元延祐初加封輔元開化文昌司祿帝君帝君之稱始於此於是天下學校因有祠祀明景泰中即京師舊廟闕而新之歲以二月三日誕辰遣祭至宏治元年禮部尚書周洪謨等議梓潼顯

靈於蜀廟食其地為宜請飭天下學校罷毀其廟而學宮仍多祀之

國朝嘉慶六年

詔編入祀典春秋致祭與武廟同而世所傳

有陰騭文感應篇勸孝文孝經解諸書尤皆有神風化不失聖人教人之旨故學者無不崇奉之惟謹

吾學錄

廟

省濱海州縣

廟歲以春秋仲月致祭是日守工官具祝版備器陳羊一豕一簠簋各二籩豆各十鑪鐙具殿中少南設

案供祝版北設一案陳帛一香盤一尊一爵一設樂於南階上設洗於東階下之北祭官拜位在階上正中司祝司香司帛司爵與儀掌燎各以其職為位祭官朝服行禮入殿中門以上參黑龍潭禮祭龍神之禮至香案前贊上香司香跪奉香官上炷香三上辨香畢贊復位官復位立贊跪叩與官行三跪九叩興贊奠帛爵行初獻禮司帛跪獻篚於案三叩興司爵立獻爵於正中皆退司祝詣祝案前跪三叩興奉祝版跪案左樂暫止贊讀祝贊跪官跪司祝讀祝祝文因地隨時撰擬畢興奉祝版跪安於篚內叩如初興退樂作贊叩興官三叩興

贊讀祝司爵奉爵獻於左退贊於獻司爵奉爵獻於右退贊送

神跪叩興官三跪九叩興贊奉祝帛送燎司祝司帛詣神位前咸跪三叩奉祝帛興司香跪奉香興以次送至所官避立拜位西俟祝帛過復位立贊望燎引官詣望燎位以上參祭部禮職燎贊禮畢官仍由康側門出樂止各退

同日祭後殿禮率初附考

按神始於宋林氏女初封靈惠夫人其見於正史

古實始於元歷元明皆封天妃

國朝康熙十九年封護國庇民妙靈昭應宏仁普濟天

妃二十三年加封天后乾隆二年加封福佑君生二

十二年加封誠感成孚五十三年加封顯神贊順嘉

慶五年加封垂慈篤祐自十二字積至二十八字矣

六年又遣封

神父為積慶公母為積慶夫人祭於莆田清口天后廟後

殿蓋以福建莆田縣湄洲為

神誕育之區江蘇清口惠濟祠並海濱各縣為

神護濟漕艘海艇之祀故二處之廟特編入會典專祠之

條通禮又特加載

綺春園內

惠濟祠遣祭之祝文並云春秋仲月與

玉泉山昆明湖龍神祠同日致祭其樂設自內監其

禮儀節視

黑龍潭龍神祠與

都城隍之典而皆不詳及直省州縣之禮今謹依通禮

所載綴其可通行者條之於右若夫不迎神不徹饌

與後殿禮節祝文隨時撰擬則皆原文所無而非竟

漏也

聖母林姓興化莆田人父愿五代時官都巡檢母王氏以
宋太祖乾德元年三月二十三日產后於莆之湄洲
嶼方誕紅光滿室異氣氤氳月不聞啼聲因名默
娘八歲就塾讀書輒解奧義喜焚香禮佛十三歲得
道典秘法年十六觀井得符能布席海上以濟人雍
熙四年九月九日昇化或云二月十九日年二十有
八是後常衣朱衣乘雲遊島嶼間里人祠之有禱輒
應宣和中賜廟號順濟自是迄今屢徵靈迹明嘉靖
中編入祀典疊加徽號

國朝康熙中屢著靈應紀功加封天后入祀典

雍正四年

御賜神昭海表額十一年

以福安瀾區今江海各省一體奉祠致祭

章化志

蘭中祠宇

社稷壇 在廳治南門外北向嘉慶十七年通判翟淦奉

建道光五年陞停呂諒恒增修

社稷壇 同在一處南向二壇即山川並稷

雷雨風雷壇 同上西向左為

境內山川右為

陞牌位嘉慶十八年通判翟淦補建

長壇 同上西向嘉慶十七年通判翟淦奉建道光五

年陞停呂諒安設牌位重加修葺遠望浮空平疇

如畫其左另一五穀神祠凡耕藉迎春常雩皆祭

於此

火神廟 一在廳署口右畔嘉慶二十五年居民合建另

一牌位於大堂西
偏 天后宮左

城隍廟 在廳治西街後南向嘉慶十八年官民合建廟

凡兩進諸司塑在兩廊堂上三楹左祀三寶佛右祀土地神氣宇嚴凝觀瞻肅穆道光十年署通判李廷璧額曰明陰洞陽右秀結茅三祿度僧安榻於此香田在奇武蘭莊壹百肆拾柒甲歲收穀石如甲之數香田在奇擇簡莊壹百零陸甲年折稅洋銀伍拾叁元下論又本街東畔地基稅銀年貳拾餘兩皆為香燈齋糧之

供

廟 在廳治西文昌宮前殿南向嘉慶十三年居

原祀在米市街二十三年文昌廟落成之日通

高大鼎移奉同在前殿至道光五年仲呂志恆

以前殿奉神像而移文昌神像於殿後昔未

妥協蓋論神道則文昌為高而論祀典則關帝

為大兩帝君廟制皆有後殿追祀三代同在前楹

既嫌於右武移之後殿豈待以先賓則合祀之廟非

矣署通判李廷璧額曰浩氣凌霄楹聯即用

京都正陽門廟

神所自作之句

數定三分扶火漢削
魏伐吳辛苦董音未

了生平事業志存一統佐熙朝盛
魔伏寇威靈丕振祇完當日忠貞
涵左有官廳一座北連仰山書院十年署通判蔭廉
重修右有香園一所年稅八金并以渡船頭田宅贖
地原稅銀二十元作香火資

文昌壇 在廳治西 關帝殿後南向嘉慶二十三年通

判高大鏞倡建原在前殿居民稱 文昌宮後移奉
於此繚以牆垣雕以楹櫺左右各有廂房廳左祀
倉頡神牌右為開蘭以來官長諸祿位庭隅東址築
敬字亭四周護以石欄文峯拱翠修竹凌雲亦勝槩
也十年署通判李廷璧額曰仁孝維風官廳香園詳

前

案紅光二十五年署通判朱松栢口就前後殿原址倡
捐改建左右二殿左奉

文昌額曰觀文成化右奉

關帝額曰浩然正氣咸豐元年冬士庶等再拓外牆飾以
照壁重修外門於是遇行祀禮始恢恢乎有餘地矣
天后廟 俗呼媽祖宮在廳治南街東向嘉慶十三年居
民合建中塑 坤像左祀 觀音菩薩右安置

壽龍亭兩翼廊直達外戶皆護以木柵闌闌翳闌香煙
後盛道光十年署通判李廷璧額曰寰海尊親有柱

聯曰救民於水配德於天香田在抵六莊年租穀
 貳拾捌石又本街西畔地基稅銀貳拾餘兩西門外
 五結東勢二結牛欄後及頭圍等處渡船香燈銀共
 貳拾元糧稅拾陸元大船稅貳拾元俱作香火之資
 募僧住持道光十四年改西
 向規模較為宏敞
 一在廳治大堂之右東向一佛堂一外廳一庭院前
 後俱三楹中奉 神及 觀音塑像左奉 火神右
 奉 藥王牌位嘉慶二十二年官民合建護通判范
 邦幹額曰瀛海慈航通判高大鏞額曰祥凝順海
 一在羅東街居民合建

倉土廟 在廳治西常平倉內嘉慶二十年通判程
 金建

臺灣府噶瑪蘭廳志卷三下土風習俗里姓應子新谷史

風教

聖諭

鄉飲

旌表

彰善癉惡風聲克樹建國君民教學為先聖謨洋洋
人眾皞皞讀州長之法飲鄉飲之笙有不移風者有
幾有不率教者誰歟所賴良有司躬親倡導過化存
神俾士女各矢其忠貞老羸共躋於仁壽則家紆而
戶誦講讓而型仁海濱鄒魯之稱其來端必有自矣
志風教
宣講

聖諭

六諭
訓飭士子文

聖諭十六條

聖諭廣訓

通禮月朔望直省府州縣鄉堡擇適中地爲鄉約所
選老成公正一人爲約正樸實謹守者三四人直月
按期集所部民宣講

世祖章皇帝欽定六諭

聖祖仁皇帝聖諭十六條

世宗憲皇帝聖諭廣訓擇律文內民俗易犯者咸宣示之守
上官實力董率竝飭各屬隨時巡行宣導兵民圍聽
宣畢各退

謹按順治九年頒

御製六諭曰孝順父母恭敬長上和睦鄉里教訓子孫各安

生理無作非爲卽今學宮所立卧碑文也康熙九年頒

聖諭十六條由敦孝弟以重人倫篤宗族以昭雍睦和鄉黨
以息爭訟重農桑以足衣食尙節儉以惜財用隆學校以
端士習黜異端以崇正學講法律以警愚頑明禮讓以厚
風俗務本業以定民志訓子弟以禁非爲息誣告以全善
良誠窩逃以免株連完錢糧以省催科聯保甲以弭盜賊
解讐忿以重身命雍正元年就此十六條爲題各篇敷繹
至論計共萬言謂之

聖諭廣訓卽今著令生員歲科試及新進童生所默寫者也

乾隆五年十月二十九日 內閣抄出奉

上諭士爲四民之首而太學者教化所先四方於是觀型焉
比者聚生徒而教育之董以師儒舉古人之成法規條亦
既詳備矣獨是科舉聲利之習深入人心積重難返士子
所爲汲汲皇皇者惟是之求而未嘗有志於聖賢之道不
知國家以經義取士使多士由聖賢之言體聖賢之心正
欲使之爲聖賢之徒而豈沾沾焉文藝之末哉朱子同安
縣諭學者云學以爲己今之世父所以詔其子兄所以勉
其弟師所以教其弟子弟子之所以學舍科舉之業則無
爲也使古人之學止於如此則凡可以得志於科舉斯已
耳所以孜孜焉愛日不倦以至乎死而後已者果何爲而

然哉今之士惟不知此以爲苟足以應有司之求矣則無
事乎汲汲爲也是以至於惰游而不知返終身不能有志
於學而君子以爲非士之罪也使教素明於上而學素講
於下則士固將有以用其力而豈有不勉之患哉諸君苟
能致思於科舉之外而知古人之所以爲學則將有欲罷
不能者矣觀朱子此言洵古今通患夫爲己二字乃入聖
之門知爲己則所讀之書一一有益於身心而日用事物
之間存養省察闇然自修世俗之紛華靡麗無足動念何
患詞章聲譽之能奪志哉况卽爲科舉亦無礙於聖賢之
學朱子云非是科舉累人人累科舉若高見遠識之士讀

聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子耶朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無所實用浮僞與時文等耳故學者莫要於辨志志於爲賢之徒也志於科名者世俗之陋也國家養育人材非用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者

知所以教而爲學者知所以學欽此

乾隆十年議准將乾隆五年

欽頒太學訓飭士子文通行頒發直省學宮令朔望一體宣讀永遠遵行

儀注 行禮人數 服色 坐次

儀注 學政至書京府及直省府州縣歲以孟冬之日
孟冬朔日舉行於儒學前一日執事者於講堂依圖
陳設坐次司正率執事習儀至日黎明執事
具饌主席及僚屬司正先詣學遣人速賓僕
至主人率屬以迎於庠門之外揖人主居東賓居西
三揖三讓而後升堂東西相向立贊兩拜賓坐饌至
主人又率屬出迎揖讓升堂拜坐如前儀賓僕介主
既就位執事者贊司正揚解引司正由西階升詣堂
中北向立執事者贊賓僕以下皆立贊揖司正揖賓

明倫彙編 禮儀典 卷三十一
三十一
僕以下皆揖執事者以酒授司正司正舉酒曰恭惟
朝廷率由舊章敦崇禮教舉行鄉飲非爲飲食凡我長
幼各相勸勉爲臣盡忠爲子盡孝長幼有序兄弟友
恭內睦宗族外和鄉里無或廢墮以黍所生讀畢執
事者贊司正飲酒飲畢以觶授執事執事者贊提司
正揖賓僕以下皆揖司正復位賓僕以下皆坐贊讀
律令執事者舉律令案於堂中引讀律令者詣案前
北面立贊賓僕以下皆立行揖禮如前讀畢復位執
事者贊供饌案舉饌案至賓前次僕次介次主三賓
以下各以次舉訖贊獻賓主起席北面立執事酌酒

以授主主受爵詣賓前置於席稍退贊兩拜賓答拜
訖執事又酌酒以授主主受爵詣僕前置於席交拜
如前儀畢主退復位贊賓酬酒賓起僕從執事酌酒
授賓賓受爵詣主前置於席稍退贊兩拜賓僕主交
拜訖各就位坐執事分左右立以次酌酒獻三賓眾
賓徧賓主以下酒三行供羹執事以次酌酒飲酒供
饌三品畢執事者贊徹饌候徹饌案訖贊賓僕以下
皆行禮僕主僚屬居東賓介三賓眾賓居西贊兩拜
訖贊送賓以次下堂分東西行仍三揖出庠門而退
行禮人數 通禮直省府州縣以守牧令爲主人省會

及監司分駐之地皆以監司賤其禮以鄉之年高六十以上有德行者一人為賓其次一人為介又其次為眾賓以教官一人為司正學弟子習禮者二人司爵二人贊禮二人引禮一人讀律令僚佐皆與如有鄉大夫來觀禮者按即古所謂僕也坐於堂之東北府州縣三品以上席南向四五品席西向無則闕之不立一僕二僕三僕之名

按僕與遵通鄉大夫為人所遵法者古有一僕二僕三僕之名今制總謂之僕鄉賓介皆由州縣舉報督撫覈定彙造姓名清冊送部存案或闕毋濫

不得其人即行停止惟僕不在舉報之列

服色 會典鄉飲賓內貢監考職候選者准

服用頂帽補褂監生金雀頂青袍監邊生員銀

藍袍青邊無品級者民應穿常服不得濫用金頂補

坐次 通禮設監禮席次於庭東北向布賓席於堂西


北南向主人席於東南西向介席於西南東向眾賓

之長三人席於賓西南向東上皆壽席不屬眾賓席

於西序東向僚佐席於東序西向皆北上司正於

主人之東北向設津令案於主介間正中東西肆設

尊案於東序端南北肆設樂縣於西階下



鄉飲酒禮賓主獻酬說工升歌周詩鹿鳴
 三章卒歌笙素

謹案學政全書載鄉飲酒儀注而無作樂歌詩二
 節據會典直省鄉飲作樂歌詩皆與順天府同並
 將歌詩儀節恭錄於左

宗純皇帝御製補南陔詩詞曰我逝南陔言陟其嵎昔我
 行役瞻望有父欲養無由風木何補我逝南陔言陟其岵

作樂 會典凡鄉國之樂府州縣鄉飲酒設雲璈一方
 響一琴二瑟一簫四笛四笙四手鼓一拍板一正月
 以太簇為宮十月以應鐘為宮

今我行役瞻望有母母也倚閭歸則宜止南陔有荀箴實
勺之孱孱孩提孰喚咻之慎爾溫清潔爾旨肴今爾不養
日月其悞

御製補白華詩詞曰有白者華不污纖塵咨爾士兮宜修其
身不修其身迺貽羞於二人有白者華婉茲靜好咨爾女
兮宜修婦道不修婦道迺貽羞於二老白華匪玉涅而不
緇白華匪蘭芬迺勝之我擷白華載詠載思白華匪玉質
玉之令白華匪蘭臭蘭之淨我擷白華載思載詠

御製補華黍詩詞曰瞻彼阪田厥黍始華朕足胼手皸嗟我
農夫瞻彼阪田黍華以秀胼手胼足惟勤斯殖茂華有文

秀矣秀有不實矣其雨其雨矣杲杲日出矣怒予愁之恤
矣聞歌周詩蕪麗南有嘉魚南山有臺三章笙奏

御製補山庚詩詞曰王庚便便東西朔南六符調燮八風節
宣王庚容容朔南西東維敬與勤百王道同王庚廓廓東
西南朔先憂而憂後樂而樂王庚恢恢南朔東西皇極孰
建惟德之依

御製補崇邱詩詞曰澗松童童蛙黽鄰兮邱草萋萋蕩青雲
兮凡百君子慎迺託身兮澗松童童澗則卑兮邱草萋萋
邱則崎兮凡百君子審迺所依兮有崇者邱物無不遂有
卓者道愚無不智資生育德永植毋替

製補由儀詩詞曰在上曰天在下曰地君君臣臣父父子
子在下曰地在上曰天父父子子君君臣臣由其儀矣物
則熙矣儀其由矣物則休矣迺合樂歌周南關雎三章召
南鵲巢三章卒歌工告備出

旌表事例節婦貞女 殉難官民 名宦鄉賢 樂善好施 累世同居 耆壽同堂 一產三男

節婦貞女建坊例 會典各省府州縣衛各建節孝
祠一祠外建大坊應

旌表者題名其身上身後設位祠中各省由督撫學政會題
取具册結送部覈題其在部呈請者由部行查督撫
覈實咨部題准令地方官給銀三十兩建坊如奉有

御賜詩章扁額銀疋由內閣交部發提塘齎送督撫行地

方官給領守節之婦不論妻妾自三十歲以前守節
至五十歲或年未五十身故其守節已及十五年謹
案現行章程改十五年作十年

未係孝義兼全阨窮堪憫者俱准

只循分守節合年例者給與清標彤管四字扁額於
節孝祠另建一碑鐫刻姓氏不設位不給銀

謹案現行章程各府州縣有彙請

旌表之節婦貞女共給銀三十兩總建一坊

婦人因子受封准與

旌表因夫受封守節者不准

旌表夫婦未成婚流離失散守志至老合卺者准與

旌表建坊用貞義之門字樣孝女以父母未有子孫終身

奉親不嫁者如孝子例未婚貞女合年例者如節婦

例其有在夫家守貞身故及未符年例身故者一體

旌表婦女遭寇守節致死雖事歷年久覈實准其補行題

請給銀建坊如無親屬則官為建坊於墓前節孝祠

內設位婦女因強姦不從致死及因調戲自盡非曾

再醮者刑部禮部會題請

再建坊如例猝遭強暴被污見戕及被污後刻即捐軀者

坊銀減半不於祠內設位本夫逼令賣姦抗節自盡

者童養之女未成婚拒夫調姦致死者建坊於父母

之門節婦被親屬逼嫁致死者

旌表如例若係翁姑逼勒坊銀另擇家長支領督理建坊

凡僕婦婢女女尼女冠拒姦致死者建坊於本婦墓

前不於祠內設位孝子割股傷生及烈婦夫亡無逼

而遽殉節者例不准旌如有奏請

旌表者入祀建坊候

旌表行

殉難官民建坊例 會典各府州縣建立忠義孝弟

祠一祠中立石碑應

旌表者題名其上陣亡官員全家隨任被害者每家給銀三十兩合建一坊男婦並題名其上本邑忠義孝弟祠節孝祠內照例設位遭寇殉難紳士庶民於忠義孝弟祠內設位題名其被戕之大小婦女督撫飭地方官每縣給銀三十兩於通衢總建一坊全刻姓氏並於節孝祠設位遇難死事之臣入

京師昭忠祠者仍於本邑忠義孝弟祠設位不建坊名宦鄉賢崇祀例 會典各省府州縣崇祀名宦鄉賢該督撫會同學政確覈事蹟合詞具題並造冊結

送部由部於年終彙題得

旨准設位入祠其鄉賢子孫現任九卿者祖父不得題請若保舉而未經彙題其子孫有由庶僚擢至九卿及子孫曾任九卿業經身故其應否入祠之處均專

奏請

旨大臣身後有題請入祠者亦由部專 奏請

樂善好施建坊例 會典凡庶民或養恤孤貧或捐資贍族助賑荒歉或捐修公所及橋梁道路或收瘞屍骨實於地方有裨益者各省由督撫具題造冊送

部捐銀至千兩以上或田粟准備銀千兩以上者均請

旨建樂善好施坊由地方官給銀三十兩所捐不及千兩者請

旨交地方官給樂善好施扁額如有應

旌表而願議敘者由吏部定議給與頂戴

謹案刑部尚書張照之祖洪捐置贍族義田雍正十年奏准由部立册存案嘉慶二十年刑部尚書韓封捐置義田呈請由部給照二十三年兵部右侍郎曹師曾亦將其父秀先捐置祠學義田奏准

存案子孫不得擅賣外人族人不得擅買由部立册載入縣志又嘉慶二十一年江西新城縣已故州同陳世爵等所捐義學祭田用銀數萬兩准其旌表皆載入禮部則例

累世同居建坊例 會典凡累世同居和睦無閒者督撫題請

表禮部專題給銀建坊題名忠義孝弟祠碑如例或賜詩章扁額緞疋遵

領

百年耆壽及五世同堂親見七八代坊扁例 會典

壽至百歲由督撫題請

旌表者壽民給與昇平人瑞壽婦給與貞壽之門兄弟同

臻百歲者給與熙朝雙瑞夫婦同登百歲者給與期

頤偕老諸字樣均令並建一坊壽至百有十歲者坊

銀加倍百二十歲加二倍百二十歲以上請

旨加賞不拘成例年屆百歲五世同堂者照例建坊外請

旨賞給銀十兩緞一疋未屆百歲五世同堂者令督撫分

別年歲給與扁額緞疋銀兩壽民壽婦生事祖父祖

姑下見元孫親見七代者給與七葉衍祥見八代者

給與八葉衍祥諸字樣均令督撫製造扁額頒給造

冊送部覆題其於常例外奉

旨賞給

御製詩章扁額緞疋銀兩並有職官員加

賞職銜及貂皮等物均由

特恩壽民壽婦於題請奉

旨後身故者所有建坊銀兩並

恩賞銀緞仍准給領如未經題請身故者隨本聲明無庸

旌表

謹案嘉慶十四年奏准三品以上文武大員之父

母妻室年屆百歲五世同堂者皆於坊銀外

加賞銀二十兩緞二疋其有百十歲以上者以次遞加
嘉慶十五年廣西宜山縣民藍祥壽屆一百四十
二歲坊銀

賞銀共加至二百兩緞五疋並

特賜扇額詩章

恩給六品頂戴 三品以上年屆百歲者或未及百歲五

世同堂者均

加賞銀十兩緞一疋又年屆百歲五世同堂親見七代者
在內由各部院在外由督撫據呈奏請

旌表其子孫官至三品以上者准其自行具奏

一產三男給米布例 會典一產三男者由督撫咨
報禮戶二部照例給米五石布十疋其男女並育及
一產三女者不咨報不給米布

政術 附 戶籍 農務之津梁 倉儲 荒政 惠恤

戶籍 查戶口 編保甲

查戶口 會典各省諸色人戶有司察其數而歲報於部曰烟戶男年十六曰丁女曰口未成了亦曰口丁口繫於戶腹民計以丁口邊民計以戶凡丁輸賦者以康熙五十年為額歲編審有羨餘曰

盛世滋生人丁永不加賦各府州縣編賦役册以一百一十戶為里推丁多者十人為長餘百戶為十甲甲凡十人歲役里長一人管攝一里之事城中曰坊近城曰廂鄉里曰里凡十年一周先後則以丁數之多寡

為次每里編為一册册首總為一圖其歸寡孤獨不任役者則帶管於百一十戶之外而列於圖後名曰畸零

編保甲 會典保甲之法戶給以門牌書其家長之名與其丁男之數而歲更之出註所往入註所來戶有遷移隨時換給十家為牌牌有頭十牌為甲甲有長十甲為保保有正皆以誠實識字有身家者充限年更換稽其犯令作慝者如盜竊邪教賭博製造賭具窩逃姦拐私鑄私銷私鹽販賣硝磺並私立名色歛錢聚會及面生可疑形迹詭秘之徒皆令查報

各府州廳縣所屬城廂市鎮村屯土著軍民自指紳以至商賈農工吏役兵丁皆挨戶編審客民在地方開張貿易即與土著一律挨編其往來無定之商賈令客長稽察至客商投寓店肆皆令店主埠頭詢問來歷並騎馱夥伴去來日月循環册報山居棚民按戶編册令地主保正結報寺觀僧道令僧綱道紀按季册報

農務 墾荒地 修堤防

墾荒地 會典各省實有可墾荒地招徠報墾酌借牛種限以水田六年旱田十年准其陞科永為已業

將屆陞科之期設督撫委員復加丈勘果有坍塌油
漲或磽确者仍免其陞科其有自費工力挑築池塘
渠堰者准照定界蓄水灌溉他人竊放灌田照盜種
田畝律科罪以勸墾荒惟池澤陂蕩蓄水處所無論
官地民地概禁開墾臨江海湖河沙漲地畝如有
阻遏水道為隄工之害者禁其報墾以禦旱潦
修隄防 會典凡水利之應治者有官工有民工
無官修定款者皆由民修或借庫項興工攤徵歸款
或地方官隨時督率民夫加倍疏濬除款項無多無
關緊要者聽民間自行辦理如係要工經費逾五百

兩者俱一體報部覈銷定保固限期以杜侵冒

津梁

修橋道

設渡船

修橋道 會典各省橋道有損壞者地方官查明隨

時建置由該督撫奏明辦理報部覈銷

按此指經費之大者而言

若些須工值便利行涉地方官即未遑輸款何難勸捐

設渡船浮橋 會典水陸通衢額設渡船浮橋隨時

補給或分別年限修造各視其地之衝僻以為差

救生船 會典遇水道危險之處額設救生船三年

小修五年大修如內河戰船之例

救生樁 會典安徽洪澤湖設立救生樁以資拯濟

按蘭如海漢內港諸地尤宜留意

倉儲 常平倉裕備倉 社倉義倉

常平倉裕備倉 會典各州縣設立常平倉視其地之廣狹以定額貯所貯各色糧石皆按其出產準作穀數其折耗曰氣頭曰廠底均計收貯年分及地氣燥濕以定其數准該管官驗明米色秋後買補常年平糶皆以存七糶三為率閒有燥濕不同隨時酌糶存三糶七存六糶四及不限額數者遇豐年酌糶十二三或全行停糶其糶米石減市價五分遇歉歲或逾額出糶每石減銀一錢皆於秋收後以糶存價

銀採補各州縣另設有裕備倉常年出陳易新亦照常平倉例遇新舊官接任皆令交代結報

社倉義倉 會典各省社倉係士民捐置聽其自為經理當青黃不接之際准農民借領秋後納還如司事之社長等有侵食等弊准同社士民報官究治各省義倉亦係捐置聽士民經理與社倉同

荒政 救災 報災 賑 通商 發賑 勸輸 賑工代賑 蠲賦 緩徵

救災 會典水災驟至有司官即率眾救濟漂沒房屋給與搭篷修理之費淹斃人口給與葬銀淹傷人口給與撫卹銀水衝沙壓地畝給與挑培修復銀皆

按各省定例銀數散給

報災 會典督撫題報被災情形夏災限於六月盡秋災限於九月盡一面委員勘定被災分數自六分至一分者為成災五分以下為勘不成災結報督撫扣除呈限統限四十五日內具題如被災異常之區令督撫一人親勘即以應行撫卹事宜具奏罪其匿災者減災分者報災之不速者

發賑 會典題報成災情形即一面開倉將乏食貧民先散賑一月大口日五合小口二合半是為正賑及查明分數後隨分漸極貧次貧題請加賑災十分

者極貧加賑四月次貧加賑三月九分者極貧加賑三月次貧加賑二月八分七分者極貧加賑二月次貧加賑一月六分者極貧加賑一月五分者酌借一月口糧凡閒散貧民與力田災民一體給賑米不足者按各省折賑定價以銀米兼散

減糶 會典歲歉出糶常平倉穀於常年照市價減糶之外督撫覈定應減之數具奏出糶如倉穀不足則動帑赴鄰省採買出糶事竣動倉穀者糶穀還倉動庫帑者易銀歸庫

會典蠲賦以災戶應納地丁正耗準作十分

按災分之數蠲免災十分者蠲其七九分者蠲其六
八分者蠲其四七分者蠲其二五六分者蠲其一皆
奏明辦理

緩徵 會典災地勘報之日卽行停徵所停錢糧係
被災十分九分八分者三年帶徵七分六分五分者
二年帶徵五分以下者勘不成災有奉

旨緩徵及題明緩徵者至次年麥熟後啟徵其麥熟後應
徵錢糧緩至秋成若被災之年深冬方得雨雪及積
水方退者另疏題明將麥熟應徵者再緩至秋成新
舊並納其成災五分以上州縣中間有成熟田地亦

一體緩徵

通商 會典災區需米接濟奏明招徠商販有運米
前往糶賣者所過關口免其納稅給與印票到境之
日呈送地方官蓋印回空覈銷如未到被災地方先
行糶賣及偷運他省加倍罰稅仍照違禁例治罪
勸輸 會典紳衿商民於歉歲出資捐賑者赴司具
呈捐項聽其自行經理不許州縣抑派事竣督撫覈
實具題捐多者議敘頂戴少者給匾旌獎
興工代賑 會典災歲閭閻艱食督撫於地方應舉
之工如溝渠城垣隄防酌量題請辦理俾貧民得以

備工就食

惠卹

養濟院
矜囚獄

育嬰堂
瘞枯骨

養濟院 會典直省會城設有養濟院境內鰥寡孤
獨殘疾無告之人照額收養人多於額以額外收養
在地丁正項銀米及耗羨項下分別動支又通都大
邑設有普濟堂除紳士好義捐建者經費聽其自行
經理其動用官發生息銀及存公銀者均每歲報部
覈銷

育嬰堂

會典直省建立育嬰堂遇有遺棄病廢之
嬰兒收養於堂有姓名年月日時可稽者一一詳註

於册僱覓乳婦善爲乳哺撫養有願收爲子孫者開
明居址姓名方與之仍補註於册其經理報銷與普
濟堂同

謹案會典又載

京師除例設普濟育嬰二堂外五城各設棲流所收卹
無依流民及街衢卧病者給其衣食醫藥又於冬
季煮粥賑饑五城各設二廠遇市糶價昂撥給倉
米平糶京城內外共設十廠嘉慶六年冬月復奉
旨散給棉衣由府尹及指揮經理而以御史督察之直省
守土官誠能推廣

皇仁善賞做設則海隅蒼生同登衽席不獨
首善之區頌好生之德於無既也

吾學錄

矜囚獄 會典在禁囚犯日給倉米一升冬給絮衣
一件鎖杻常須洗滌薦薦常須鋪置冬設煖牀夏備
涼漿並於本處有司在官錢糧內施放獄官預期申
明關給毋致缺誤 內外監獄醫治罪囚疾病官給
以藥選用醫生二名年底稽考優劣 獄內禁用匣
牀 地方官私設班館自新所之類皆屢經奉

旨飭禁

瘞枯骨 會典直省地方如有無主暴露枯骨各該

地方官建置義塚立法收埋仍咨報部如有好義之
人收瘞貧屍及揜埋枯骨數多者有司勘實給匾旌
獎

謹案養民之政其端甚多而大指不外除弊以興
和因地以制宜固地方官者之所必究心然此舉
尤出於好義紳衿殷實家戶共為施濟以裨化原
教養兼該治人與治法相輔而行而

國家旌善之典一一可備舉於前矣 吾學錄

臺灣府噶瑪蘭廳志卷四上

學校

書院

膏火田

學規

主講

仰山社附

業庠序以培養乎人才也而書院卽以輔成乎庠序其
為功較近而捷焉蘭之廳制一視澎湖而初猶附試
於淡水則以人文必盛乃建專學非故緩也蓋有待
也夫明去漢二千餘載而後邱文莊海忠介崛起於
瓊州况蘭泱泱表海佳氣蜿蜒將必有涵泳
聖涯蔚山川而開風氣衍聞學而配

孔庭者近在目前講院特其嚆矢耳志學校附選舉

仰山書院

仰山書院 在廳治西文昌宮左以景仰楊龜山得名嘉慶十七年委辦知府楊廷理創建三楹旋圯道光五年通判呂志恆移假文昌祠東廂房為山長安視之地并於東首臨街建一門樓額曰仰山書院十年夏署倅薩廉乃即舊址重建一廳二房一厨竈連一曠地大可數弓蒔花樹果編以枳籬西接敬字亭南連行香官廳外又護以板墜門且以短小牆砌石鋪甃廳疏明爽雖肄業學舍無地兼營不可謂非小結構也

膏火田在阿里史等社由查丈開款撥充院租項下年折收番銀壹千陸百圓有奇

以糧書征催田租以禮書經其出入

膏火每課生員二名賞銀貳元童生上取十名賞銀伍元伍角末冠童生四名合賞銀壹元課期每八人備席壹張發錢伍百文每卷一本發錢拾文

院長東脩與盤川隨時無定惟聘金陸元膳金月各拾二元年節三次儀各肆元附敬使各壹元又兩節及開館撤館各折席銀叁元具有定數每月課一次師課一次大率以初二十六日為期

院長家器生童椅棹隨時酌補

年給禮書紙筆資銀拾肆元院夫工食銀拾貳元又給字紙工食銀拾貳元

及訂歲科各試支給盤川童生各肆金

全任增至十二金徐任人多增

八取進者再賀拾金生員名陸金鄉試名捌金取中者再賀兩榜者再賀

案歲科兩試及鄉試各盤費詳後第四頁案語

附考

楊廷理蘭城仰山書院新成志喜詩龜山海上望巍然
追溯高風仰宋賢行媿四知敦架範道延一綫合
真傳文章運會關今古理學淵源孰後先
留語諸生勤努力堂前定可兆三鱣
按楊文靖時字中立將樂人與游定夫立雪程門為二程高弟其學以身體心驗為主一傳羅豫章再傳李延平延平傳子朱子實為閩學宗倡學者稱龜山先生而楊守取以錫書院蓋即隱以之自况觀詩中四知三鱣兼及楊伯起事可知乃蘭土中或謂是取高山仰止或謂是仰蘭地之龜山又或謂孔子作龜操義取望魯或謂仰山本巖名不知仰山香巖見

傳燈錄乃高僧號岩巖名耶諸說皆未玩及此詩因附錄之俾勉承道南之緒云

道光五年三月呂志恆存記昭得蘭廳雖設有仰山書院名目因乏經費並未創建本廳於道光三年七月履任查知各生童每逢課期俱在

文昌宮作課而宮僅有厰廳一間三楹後廳五楹又供奉關聖帝君神像不蔽風雨心甚歉焉連年以來差務頻仍又無力為之建造乃延請林山長居於署內主講亦非久遠之計因恭請

關聖帝君神像供於前廳以

文昌帝君神像移居後廳重加修葺廳上安置門廳兩旁

加以土牆木柵并於東首臨街建一門樓上顏仰山
書院匾額復於居民相通之處為之隔斷俾免混雜
規模小就於歲次乙酉從諸生之請聘延山長安硯
於

文昌宮內主講仰山書院師生稱便惟是蘭地每交秋令
風雨交加牆垣瓦屋每多損壞必須歲時修理方期
經久而院門內隙地可造廳屋三間按即舊址十其
旁原有小廂房三間即今人門內折改為一大廳一十年秋可以再加二間
官廳旁隙地佔需番銀六百元如得落成可
作義學又宮外右畔隙地現稅作菜園切近常平倉可建

書院

文昌宮一
文昌宮改
文昌宮

為書

聖帝君

其治

民之所諭

賢者合行

之所如有風雨

之隨時

書院

文昌宮應祀後左右

雍正五年奉祀大

得本有待於後來

以後師生講課

官斯土者為

成官有餘開士民樂業

或獨力經... 置義學書院次第成功
為多士儀型文風不私以備

國家文明柱石之選本廳有厚望焉該房其凜邊切記
毋忽此諭

按蘭雖自楊太守創建之始設有仰山書院至高前
廳延師開課議將設屯未准之阿里史等社餘埔租
穀改作生童膏火之資仍未詳明立案道光元年署
廳姚瑩整頓章程始有游泮膏矜附入淡水廳學四
年中申公適在府幕議定蘭制奏咨事宜併為轉請
道試拔取一名歲以為常中如緩陞新掣撥給隘糧

鹽不加銷契免重稅經理番租不配商船諸惠政蘭
人尤感戴之十二年秋全陞廳既給應道試一名各
十二金仍於文昌廟右依照呂前廳存記另建書
院一所經置捐簿擇吉上梁惜至今猶未落成也

案今前任時每童生歲科郡試名給盤費銀十二元
生員省郡試名給銀十元就書院租穀項下動撥
支銷嗣經由蘭開考生童日增勢難敷給失任以
來鄉試盤費十元如故郡試定章每次總發銀八
百五十元除以五十元貼禮房資送冊費外其八
百元交誠實彙保分帶赴郡內除生員名給十元

一書為得其要領云四書大全一書乃明永樂中胡廣等所編凡三十六卷 國朝汪份武曹陸隴其稼書皆嘗為之訂證 匯叅王步青罕皆著

一正文體 道之顯者謂之文自有天地以來蓋已
有之顧代各異尚體亦數變見諸六經性理文心雕
龍文粹文鑑以及八家所自序說其論詳矣至有明
鄉會兩闈以八股取士本荆公經義而叅以帖括遺
意學者代聖賢立言於以發揮天地民物之理其一
定繩尺比諸詩賦論策更宜細意熨貼故至今遵守
而不變也顧有明文字成化以前祇依傳註直寫恰
如化工之肖物一字不可減增此太羹元酒之味朱

絃疏越之音非可以擬議而得矣迨正德嘉靖之年

堂皇肅穆正大昌明淵淳嶽峙文至此可云極盛隆

慶萬曆第講機法而氣度漸卽於輕佻此為日之既

昃乎然尺度謹嚴猶不失先民矩矱天啟崇禎諸君

厭其卑弱欲起而矯之苦心孤詣窮幽極險以規模

唐宋大家才情魄力誠足以橫絕一代然支離龐雜

不合於經者亦有之我

朝氣運昌隆人才輩出

國初如熊鍾陵劉黃岡諸公外張京江素存韓慕廬元

李文貞安溪公輩皆能精理內涵浩氣外達誠足

以日月經天江河行地矣即近代以來風氣稍異而
清真雅正

明訓昭宣其作文直抒所見者如桐城方氏苞字靈臯舟

方林附金壇王氏汝驥私渠宜興儲氏欣字同人又

百川稿張百川曉樓任翼聖鈞臺啟連數家

而經畚堂為盛實能以濂洛關閩之理運王鑿唐順之歸有光胡友

信之法者學者尤不可不奉為圭臬至夫合選善本

如
欽定四書文乾隆元年方苞奉編起明化治訖於外王罕

皆分種八編由啟蒙式法至老境別殊有層級可循

無弔詭龐雜諸弊宜所傳習外若矜奇好異軋萬字

句以眩聽聞概所弗錄又心離龍十卷梁劉勰撰上

之由於文章利弊窮極微妙唐文粹一百卷宋姚

文弊不免矯枉過直然鑒裁精審夫取謹嚴實為

集善本宋文鑑一百五十卷呂祖謙奉勅撰所錄

關於學術治法者最多唐宋八家文鈔一百六十

同卷明茅坤編八家定自朱右而右書不傳世稱八

家寶沿坤此編八家者唐昌黎韓愈退之柳宗元子

厚宋廬陵歐陽修永叔眉山蘇洵老泉東坡軾子瞻

穎濱轍子由及南豐曾鞏子固臨川王安石介甫

國朝儲欣更益以李翱習之孫樵可之為十大家云

一崇詩學 詩以理性情學者所宜習顧自樂府雜

擬以及五七言古諸體派別各殊格律亦異今

天子覃敷文教更定取士程式自丁丑試貢士於禮闈易

六十二場表判加試八韻詩一首厥後著為
 令甲凡直省鄉試以及學臣科歲兩試或八韻或六韻
 皆得諧聲比律學為應制體比年以來士之囁嚅向
 化者諒無不揚風扞雅以漸至古之立言者矣顧館
 閣及省試詩並稱應制體昔人嘗取少陵題畫冕旒
 俱秀發旌旆盡飛揚句為館閣詩定式又取東坡論
 書端莊雜流麗剛健含婀娜句為省試詩定式然吾
 觀省試詩較館閣尤為不易蓋三條燭盡排比聲病
 諸律既足以窘縛才思而風流婉麗鏗訇鐘呂之音
 非沐浴於高文典冊中者亦未易展發其聲華故古

人於試帖詩罕所恆心即今讀文苑英華所載唐省
 試詩十卷惟沈 佺期 宋之問 元 微之 白居易 諸鉅公
 庶幾完好外其餘多瑕瑜不揜則地有以限之也諸
 生倘欲習之有素宜取唐人試帖如國秀集中興開
 氣集近光集近代試帖如玉堂集和聲集依永集等
 書朝夕諷詠心和手柔自足以鼓吹

休明而無鄙野之譏矣 文苑英華一千卷宋李昉等奉
 勅編蓋以續昭明文選故托始
 梁末而下迄於唐 國秀集三卷唐芮廷章編所錄
 率皆精美非後來詩社所及 中興開氣集二卷唐
 高仲武編所錄起至德初迄大厯末姓名下各有品
 題 近光集三卷元周伯琦撰乃後至元庚長至乙
 西山編修懋擢崇文監丞時作述朝廷典制
 為多 玉堂和聲依永三集皆近時試帖

楊桂森白沙書院學規 錄三則

一讀書以立品爲重立品莫如嚴義利之辨試思伯夷叔齊何以能流芳千古不過於義利辨得明雖餓死而不改其節所以傳也讀雞鳴而起一章要想到舜蹠之辨有一念爭財謀利之心便是盜蹠有一念矜名重節之心便是聖賢若口讀詩書心想銀錢是盜蹠也要占便益只顧自己亦是盜蹠也欲嚴義利莫如忍莫如讓如窮苦要忍得住毋去騙人磕人錢財田產且讓一番不可爭就總是我輩念書人要將氣骨撐得住毋爲銀錢所害便是才立千仞之上

一讀書以成物爲急讀書人不是單管自己的事譬如我能孝弟那些不讀書人不知孝弟者都要我去勸導他見他孝順父母要誇獎他見他忤逆父母要婉言勸戒他見他爭財爭利要把聖賢道理解他須先覽曉得古今興亡得失忠佞之辨自己便有輕濟臨事自有決斷有把持

方正學孝孺學辨 人莫不爲學而學必有要焉五經者天地之心三才之紀道德之本也善學者學諸易以通陰陽之道性命之理學之詩以求事物之情倫理之懿學之禮以識中和之極節文之變學之書

以達治亂之由政事之序學之春秋以參天人之際
君臣華夏之分而學之大統得矣然不可驟而進也
蓋有漸焉先之大學以正其本次之孟軻之書以振
其氣則之論語以觀其中約之中庸以逢其原然後
六經有所措矣博之諸子以觀其辨索之史記以質
其效歸之伊洛關閩之說以定其是非既不謬矣參
天下之理以明之察生民之利害以凝之踐之於身
欲其實措之於家欲其當也內燭之於性欲其無不
知也外因辱而勞挫之欲其著而不懈奮而愈堅也
夫如是學之要庶幾乎得矣發之乎文詞以察其淺

深覈之乎事爲以考其可否驗之乎鄉邦以勉其未
至日量而歲較晝省而夜思之功既加矣德既修矣
出而任國家之重位則澤被乎四表聲施乎百世矣
處則折衷聖賢之道稽續古今之法傳之於人著之
於書以淑來者豈不巍巍然善學君子哉 遜志齋集
又深慮論第五 治天下有道仁義禮樂之謂也治
天下有法慶賞刑誅之謂也古之爲法者以仁義禮
樂爲穀粟以慶賞刑誅爲鹽醢故功成而民不病聖
人之爲仁非特曰仁而已矣必有仁之政欲民之無
饑也口授之田欲民之無寒也教之桑而帛麻而布

欲老者之有養祭享賓客之有奉也教之陂池而魚
鼈牢柵而雞豚欲民之安也不爲苛役以勞之欲民
之無夭也不爲煩刑以虐之親老子獨者勿事胎育
而貧者有給以至於獵而不傷麋卵樵而不斬萌蘖
皆仁也其爲義也必有義之政上之取之也有常用
之也有節均之也有分疆界也以防其爭鄰保也以
洽其歡車服也以昭貴賤衡量也以信多寡饑寒也
減其力役之征畧其婚娶之儀學於閭也使其知長
幼之序書於鄉也使其知善惡之效推而至於安生
而達分尊上而趨事皆義也爲禮之政而使民自揖

設升跪獻酬之微各極其敬以至於五倫敘而三綱
立爲樂之政而使民自詠歌搏拊舞蹈之事充而大
之至於和樂忠信不怨不怒而易使聖人之用是四
者持之以堅凝守之以悠久如待獲於秋濬泉於深
必得其效而後止四者之化成天下之民膠結而不
可解有未齊者從而以法令之則令之易服而治之
不難故三代之民非異於後世之民也後世之民常
好亂而三代之時未嘗有一民爲亂者治之者異也
仁義禮樂入其心民雖知可以爲亂而不能賞罰旌
誅動其心民雖欲爲亂而不敢不能者有所恥不敢

者有所畏也治天下而能使人恥於爲非雖無刑罰可也恃法威而使民畏民其能常畏乎及其衰則不畏之矣三代以下雖有賢主而不足致治者欲使民而不知仁義禮樂之說也故爲治者不可以不察也又與郭士淵論文 秦漢以下大率多記載講論之文耳求如古之立言者未之多有也然而猶足以名世者其道雖未至而其言文人好其文故傳其言雖不文而於道有明焉人以其明道故亦傳又送牟元亮郭士賢序 文所以明道也文不足以明道猶不文也三代以上斯道明故其文簡三代以

降道晦而不章人各以意求之故其文繁聖人之言如書易春秋之所載孔氏弟子之所述片辭可以善其身而治天下豈好爲畧哉無所用繁也莊周荀卿之著書其辭浩浩乎若無窮於道邈乎未有聞非工於言而拙於道也求道而不得從而以言窮之雖欲簡而不可致耳然其文猶未弊也自夫不徇道而徇人不求合於古而求合於今者始相如開其源崔蔡暢其支魏氏迄於唐初助其瀾者盈天下天下之言文者諛乎人而已矣宜乎時而已矣何有於道哉唐之中世昌黎氏嘗一反之而道不足以逮文宋之盛

時程氏嘗欲拯之而文不能以勝道歐氏蘇氏學韓氏者也故其文昌朱子張氏師程氏者也故其道醇合二者而有之庶幾不愧於古乎而天下未見其人也匪遺乎今不足以追古匪弗顧乎人不足以明道匪有得乎道吾未見其能文也

按為學為政為文得方氏諸篇可以洞徹

源流舍此不務則俗儒矣

沈維鏞校士錄序 行文之要曰理曰法曰才曰氣本領則在讀書 國家以四書文取士一以朱子章句集註為宗所以一有司之繩尺而端學者之趨向非漫然也嘗讀朱子教人讀書法曰大學以定規模

論語以立根本孟子以觀發越中庸以求古人之微妙讀此四書然後更看詩書禮樂又曰先讀語孟然後讀史如明鑑在此而妍醜莫逃夫所謂讀書者豈如今之舉業家斤斤於文義口氣離合向背之間以為八股之用否則訓詁名物專意攷訂甚且黨枯讐朽聚訟紛呶而不切於身心之務也哉必也循朱子讀書法六條而沈潛反覆於章句集注以上溯洙泗之大義微言又博觀文集語類諸書循其本末先後之序而實致其功即凡修己之實處事之方居官型俗之要無不講明切究實踐躬行庶乎理與心相融

身與道相習由是本其躬行心得而發爲精粹切實
之文理明詞達所謂有德者必有言故足貴也非然
者四書不明無以得在我之權度於日用治心修己
之處毫無省察如薛文清所言一時所資以進身者
皆古人之糟粕終身所得以行事者皆生來之習氣
與不學之徒了無以異徒役役焉繡其鞶輓華世取
寵舉昔聖先賢之垂訓盡視爲出身干祿之階梯無
論文不能工卽工矣而畔道離經其於士習民風可
憂非淺鮮也程子曰科舉不患妨功惟患奪志誠能
不挾利心以讀書則志先定矣又知讀書不僅爲作

文則功無荒矣於以黼黻昌期備楨幹棟梁之選詎
非厚幸歟按上兩條是論古載道之文此條是論今
科舉之文皆從根本上立論學者當知所
從事矣

主講

楊典三字寅齋湖南湘潭歲貢生與故倅高大鏞有戚好
簪筆來蘭蘭故有書院未及延師開課而已就圯矣大
鏞至草創章程延典三始為主講自嘉慶己卯訖道光
辛巳初未嘗規鹿洞會鵝湖也典三足不出署寬以待
諸生恕以衡文字於是入獎賞者皆得其意以去雖教
無他術殆亦啓牖初化之一道乎廳士子引爲開山教
也祇今以祿位奉之

附考

會典書院師長不分本省鄰省已仕未仕擇經明行

修足為多士模範者以禮聘請丁憂在籍人員理應
一門守制不得延請書院教官本有課士之責不得
充書院師長謹案乾隆三十年奉

上諭改書院山長之稱為院長

謹案唐韓昌黎詩集有副司
門盧四兄雲夫院長望秋作

又湘山近事五代蔣維東隱居衡岳受業
老號為山長是院長之稱尤古於山長也道光二年奉

上諭各直省所屬書院務須認真稽察延請品學兼優紳士
住院訓謀其向不到館支取乾修之弊永遠禁止煌煌

聖訓固院長與有司所當共凜焉者也

吾學錄

仰山社 附

蘭無所謂義學并社亦不得為學惟蘭士百數十人中自

相訂盟捐有薄置每歲四仲月即在仰山書院內一
文酒盡日完篇擇其品優學裕者請定甲乙七名以
贈筆硃墨有差名曰仰山社

署倅烏竹芳序

蓋聞五步之澤必有香草十室之品

必有忠信况噶瑪蘭環山面海幅員百三十里

原作五
十里

雖地屬新闢而間氣所鍾秀靈所聚將來必有大發其
祥者蓋上天之降才原不限於遐域也余以乙酉夏來
攝斯土訪其俗朴以醇問其民直以愨察其學校之設
則有仰山書院每於公餘之暇按月考課因得與諸生
相接而仰山社附焉則見多士濟濟蔚然挺秀有蒸蒸

日進之風苟稍激勵而裁抑之庶泮水芹藻之休小大從公之盛無難復見於今茲焉雖然文教之興倡率在上而輔翼在下使無首事之人以約束而董勸則成人小子廢棄而無成文運亦靡靡而不振無他其始不立其卒不成有由然也今得首事諸生毅然以扶持文教爲己任捐金置田議立科條加以獎勵並丐余爲文以志其盛余思棫樸菁莪朝中著作人之化山陬海澨俊英招從父之風將見誘掖獎勵鼓舞奮興郁郁彬彬咸吟風而咏月魚魚雅雅亦咀華而含英折桂苑之枝斧修月殿預杏林之宴人醉春風從此甲第連科人文蔚

起何莫非諸生之義舉有以獎勵而玉成之也哉余幸文教之日興而喜首事之有人也於是乎序

應試

噶瑪蘭道光十九年巳亥九月初二日廳中奉

臬道兼學政姚 批准援照澎湖廳例將府縣兩考併
歸蘭廳就近錄取選送道考其餘一切事宜着卽會同
臺灣府妥議詳辦在案

附考

蘭以未建學校不設學額向附童子試於淡水廳歷
屆歲科酌撥一名附隸淡學自嘉慶丁丑年奏定後
至道光元年辛巳始有林濱洲一名入學迨巳丑癸
巳丙申有三次加撥府學酌進兩名亦或竟有不取

進者至是兼學政姚瑩詳請援照澎例由廳開考得
應試者二百十有三名二十年春通判徐廷掄因就
膏火田盈餘項內每名資送八金時赴道試者百有
五人與淡童人數不相上下取進黃纘緒等三名皆
撥府額爲開蘭未有之盛其札廳云該廳如無廩生
責成該增附生互相保送道考仍由淡廩揆認其取
進仍歸入淡水廳額以符定制蓋仿學政全書內載
乾隆四十五年澎湖初設事例云

庚寅冬陳淑均書仰山齋壁 背赤嵌而東折約四
五百里得噶馬蘭實與崇交傀儡逼處野番地僻而

險道光壬午夏淑均視叔父疾挾醫渡淡水淡水經
設學廳額六名噶瑪蘭附焉均初至廳淡之新艦見
其人飽稻飫豕十九如飽其讀書美秀而文者談吐
清雋則與其山水相彷彿然距郡僅八九程其人且
不甚試試亦輒不如意往往老其材於荒榛蕪蔓中
而不復顧惜及丁亥冬應聘再至淡其明春戊子舌
耕於繻乃稍稍與蘭士有文字之交又明春己丑而
蘭士中負笈者三以文摯者一詢之則皆曾試於臺
闕其課藝亦清而腴直而不絞與淡士並循蹈於規
渠今春趨之試則淡旣冠軍蘭亦果列前茅補弟子

員私心識之以爲蘭地錚錚者耳居無何入蘭謬赴
仰山席五月初甄別甫近百名六七八月續而附者
又三四十名其人非訓蒙大抵卽受經師業其文雖
典麗不足而清剛簡貴率各肖乎其才視余向者之
所許可旣不一而足而其肄業在院夕考而朝稽者
尤實地於淡艦於是進諸生而策之曰書院者爲學
校儲備人才而非卽以此進退乎人才也原

四一家取士之意三年一大比年餘一歲科惟不欲促其
程以躁進而又恐士之或荒於嬉也爰置書院以季
考而月課俾之功勤則業不墜廩裕則志不紛而選

精則材尤不濫以此收效較捷用助學校之不逮耳
今諸生按課則百十數人而附淡廳試乃僅二三十
人迨應道府試則又無過十人得非宋人之燕石曾
遇周賈乎抑荆人之抱璞待時而後獻耶處

壽考作人之世生爲男而列中華幸何如之諸生非自棄
者諸生其必有以自奮也言未訖有老宿軒渠於側
曰先生休矣先生獨非自郡國上計來耶淡水初台
試於彰化額則十有三當是時竹南人士越宿至矣
而艦川則無有應之者自嘉慶壬申一建專學加撥
府額艦川無案不朋進今且給廩輸貢薦賢書者苟

見側出豈非以近者易從而遠者難赴乎蘭陽距郡將千里往返二十六程祇撥一名耳又必先試於竹塹多一往返十二程則跋涉已自困頓加以籌備盤川預料家計約輸七八十金然後出而逐隊又誰將以難得之經費求無定之功名者故自開蘭至道光初年始有一二士著叨附膠庠而童生則前後相望不獨此期課百數朋輩可抵淡人試數已也均曰誠如是乎盍籌公費曰有書院膏火田人給四金未足也盍計私蓄曰私蓄不足恃歲訓蒙三五十金惟衣食無待給者積歲差堪一試而試必權教則潤分於

友歸不逢時則招乏其徒以此一停學又延三載而待給者無論已均曰是也如君言豈致憚行畏不能趨然獨無登舟之一法乎則曰蘭之忠臺自泖鼻山南北異風潮汐反眈雖澎船來鹽貨回空可以抵郡然或限於滬尾止於雞籠非夏月不入港矣均曰何不駁載則曰澎船回載匠料南去紆遲北來則輕颺矣而嘉彰一帶時有劫奪孤客之危恐舟行之苦反甚於陸故事臺觀察歲一按所部得至蘭或請就試惜蘭不由本廳錄送而順試固無其例均曰無例不可行然有一閩初設廳諸制準澎湖澎廳得自試送

道由一名酌撥至四名諸生何不請以澎例者例蘭
乎抑蘭之附試於淡也又何不以淡彰合試之例通
同去取毋庸另爲限額乎則皆曰否否澎廳著有成
例半帆抵郡日未西蘭則自初設廳議附淡學此後
無復肯以澎例爲援者卽援未必濟濟亦非一葦之
可杭此其限於地乎若附試而不限額諒又非淡士
所能容此其限於人乎則亦相安於當日之爲淡艦
者而已語畢諸生揖退乃仿孫可之書褒城驛條其
言於壁

辛卯冬閩屬生監楊德昭等呈稱爲蘭童進階廣求
便益僉懇署倅薩廉恩准比例詳請核施事其畧曰
竊以人文不囿於山川而士氣端資於培植噶瑪蘭
僻在臺灣萬山之後自嘉慶十五年歸入版圖文物
丕變至二十年翟前廳因於覆奏案內附請考試一
着詳稱地雖初闢而其遷居士民卽係淡水嘉彰等
廳縣之人隨其父兄挈家入山延師訓課內查有應
童子試者五十六名初學作文者四十八名請援照
澎湖成例歸入蘭廳開考附送道試旋因淡水廳適
置專學二十二年覆准以蘭童附入淡試每屆照澎
廳例酌進一名仰見

壽考作人之世澤及遐陬凡諸蘭士一體觀光正當感奮
下懷以圖上進亦何敢別生覬覦惟念該士子自開
廳之初置有仰山書院按期季考二十載來疊荷新
舊廳主栽培漸有起色現入書院肄業者陸續有一
百四十餘名其未入書院而遠鄉教讀者有三四十
名又有初學詩文漸可應試者六七十名不計外實
在蘭屬童生確有一百八十餘名較之淡水試童歷
屆甫及百名委係有贏無絀乃近科以來附試淡童
每不過二十名左右及至應道府試從中又有不到
者推原其故皆由開考之時或仍赴嘉彰縣試或卽

入淡水廳試稱爲祖籍皆以取進之途較廣於蘭不
惟官無從禁卽與試在場之親朋亦無從而向阻甚
至取進入門其父兄轉以爲得計歲科相率效尤紛
投四散反若視蘭籍爲畏途者昭等忝列膠庠素知
朝廷典制必歸一律似此紛歧未免名是而實非因查
噶瑪蘭當日設廳事宜件件皆仿照澎湖成例今澎
湖童生五六十名歸廳考試送道附進臺灣縣學半
帆可以抵郡而噶瑪蘭附淡廳竹塹考試往返程途
十三四站至府則將千里往返二十六日較之澎湖
水陸已自懸遠又查淡水未設學時童生附彰化縣

試不另限額合取進十三名往返四程而已今淡廳
學額六名加撥府三名合有九名噶瑪蘭旣附試於
淡水卽不必仿額於澎湖昭等愚昧竊以爲同一臺
灣同一試典噶瑪蘭若仿照澎湖酌撥之例似應請
卽照澎湖歸入本廳開考將其名冊於送道時取進
之日仍附淡水廳學照常管理似爲公便若仍附淡
水廳試應請卽仿照淡水附彰化縣試之例合同去
取似可不限以另額庶鼓舞蘭士寬之以上進之階
自不致一廳童生而分投四處其從前以祖貫而進
入淡水嘉彰等學者亦請着改歸籍則於恩施旣得

其允平者於體制益昭其劃一相應僉乞樂育造士
恩准比例據情詳請核轉酌施公侯奕世切呈

己亥三月署倅閩浙詳據拔貢生黃學海等僉請示
遵節其畧云現在書院肄業者二百六十餘名其遠
鄉教讀可以應試者亦不下一百餘名實在蘭童確
有二百餘名伏查設廳之始因蘭童較少故暫附淡
考試淡廳赴道府試童生百有餘名而取進九名澎
童赴試僅五十名取進四名自淡抵郡程祇七站而
澎則一葦可杭至於蘭童路程倍於兩廳而人數實
多於兩屬誠得仰邀詳准自廳開考以省赴淡兩月

待試之費則道考赴試童生必多矣且查各廳縣學取進名額恆視糧賦爲多寡蘭境征賦萬餘澎湖固不能及卽淡廳亦可謂頗糧旣相若路遠倍之而童生實多於淡可否仰懇請援澎湖連府酌撥四名之例寬其上進之階以伸海溼士氣至旣開考自應建立學校其應首建學宮蘭廳東門舊有畱存官所一地海等僉願按畝捐資修建

文廟兼置學田倘蒙詳准奏設又可免籌經費云云

道光二十二年九月奉

憲准到

部咨抄錄行知內開

禮部爲遵

旨議奏事本年正月二十三日內閣抄出前任閩浙總督顏等奏請加增噶瑪蘭廳學額並由廳考錄及酌添廩增一摺奉

硃批該部議奏欽此欽遵到部查原奏內稱臺灣府屬之噶瑪蘭廳地處臺郡極北所有應試文章先於嘉慶十九年經前督撫臣奏請附入淡水廳學取進在案茲據臺灣道姚詳稱噶瑪蘭廳自嘉慶十五年歸入版圖計今三十餘載戶口蕃滋經該廳清查現有

九萬三千零內應試文童三百一十八名文風日盛
惟地處萬山之後道路寫遠跋涉維艱若赴淡水應
試不免守候之苦應請仿照澎湖之例由廳考錄徑
送道考又蘭廳並無學額向在淡水學六名之中分
進一名閒歲分進二名今應試文童日多僅進一名
誠不足以振興士氣若多取二三名又有碍淡水之
額應請加淡水廳學額二名共為八名內以三名分
給蘭童編為東字號以五名分給淡童編為炎字號
以昭公允再淡水廳學廩增生向各四名今既請加
學額二名所有廩增生亦應酌加二名於淡蘭二廳

附生內分別東炎字號考補其廩糧在於蘭廳正供
內照例分撥等語臣等查定例淡水廳學額進閩籍
六名廩生四名增生四名其噶瑪蘭閩籍應考文童
與淡水文童一體憑文取進今該督等奏稱噶瑪蘭
一廳應試文童有三百餘名之多洵屬人文日盛且
自噶瑪蘭至淡水計程六日有奇由噶瑪蘭赴郡計
程十二日誠如該督所稱兩番跋涉艱苦異常臣等
公同酌議擬如所請准其於淡水廳額六名之外酌
加二名以五名為淡水額編為炎字號以三名為噶
瑪蘭額編為東字號各由該廳考取徑送道考至噶

瑪蘭廳學額既增二名其廩增亦應如所請各加二名於蘭溪二廳附生內分別東炎字號考補其廩糧在於噶瑪蘭廳正供內照例分撥以免淆混至考試及幫補各事宜悉照向來章程辦理所有臣等核議緣由是否有當恭候

命下臣部行文該督等遵奉施行

謹按先於道光二十年庚子奉文由廳開考徑送錄進三名至二十六年科考

提學道熊一本加撥府學一名二十七年以後

現任提學道徐宗幹以道途較遠文卷尙優每科加

撥府學二名爲五名三十年

恩詔廣額案內撥府三名廣廳一名則共進七名矣凡皆仰體

聖天子德周無外

澤遍遐陬俾多士聯翩秀出有蒸蒸日上進之風於以砥行立名爲

國家儲棟樑之選沐

雅化而咏作人其振興固當未有艾也

黃學海 字匯東 由淡水學廩生
黃鏘 字佩卿 由蘭屬廩生

貢生

道光十七年丁酉科拔貢生

黃學海 字匯東 由淡水學廩生

道光三十年庚戌科 恩貢生

黃鏘 字佩卿 由蘭屬廩生

兵制

噶瑪蘭營都司一員 駐蘭城

守備一員 駐頭圍兼轄烏石港砲臺硬枋三

千總二員 一員專防城汛一員為輪防降嶺汛兼轄

把總二員 一駐蘇澳口兼轄南關帶領汛兵五十名

外委四員 二協防城汛一隨防頭圍一分防北

額外外委三員 禮遠汛帶領汛兵三十名

步戰兵四百五十五名 由內地按

守兵二百四十名 由內地按

砲位十三座 四城門各安一座烏石港口砲臺及頭圍

安一

煙燉

器械 弓箭鳥鎗大砲藤牌等件

火藥 千約需

鉛彈 百伍拾觔

鑼鍋 拾伍

帳房 拾伍架請

旗幟 大旗五

馬疋 未配

附考

乾隆三年奏准嗣後臺地如有民人不法等事許令武員移送地方官究治如兵丁生事滋擾許文員關會營伍責懲如有彼此推諉者照例罰俸一年并飭令各該地方官汛防員弁實力奉行彼此按月稽查取具并無兵民滋擾印結轉報該上司查核如或有意徇縱將該地方官照例處議處

噶瑪蘭陸扼生番水趨海澗以雞籠御鼻爲衛戶以烏石港爲衝喉而不兼設水師者以烏石港沙汕之外卽係大洋港道窄小不能安設營哨惟每屆春夏之交南風盛發著艦舢營水師守備因巡哨之便駕

駛本營哨舟在港口常川巡哨遇盜堦擒地方有事准蘭廳移會艦舢營帶兵先往策應

守方傳稷請蘭營改制文 蘭地民人三籍漳最多泉粵人少漳泉兵不可用也請悉用上府兵以免分類械鬪之隙臺灣城守左右兩軍舊額一千一百六十七名可撥左軍岡山汛兵四十右軍大武壠汛兵三十北路左營原額一千二百六十八名可撥嘉義存城兵八十斗六門汛兵三十鹽水港西螺二汛兵二十艦舢陸路原額兵八百名可撥艦舢汛兵二百凡撥戰兵二百守兵一百以入蘭營其蘭營形勢

五圍城中最要原設守備把總外委各一員額外二員兵丁二百一十五名請改設駐都司一員存城千總一員外委二員額外二員戰守兵三百六十頭圍北當北關東扼烏石港人煙稠密地方孔要原設千總一員兵六十名請改駐守備一員外委一員戰守兵一百隆隆嶺汛爲淡蘭二廳交界接連三貂大嶺俯瞰雞籠柳鼻茂林峻嶺匪民之所逃匿也舊有石堡設額外一員兵二十名請改設千總一員戰守兵五十名馬賽草山之外曰蘇灣接界生番東臨大海可泊大小百艘昔蔡牽朱瀆二逆屢泊舟於此以窺

噶瑪蘭至今南風盛發土匪小船時有藏泊山坑亦有民人私墾昔楊廷理原議於草山下建立南關然地勢平闊關未易建不若於山上建立炮臺土堡以防蘇灣請設把總一員戰守兵五十防守邊界堵緝洋匪加禮遠港在東勢大溪出海之口也沿港皆番社港口僅容小船出入楊廷理原議建炮臺於此似可毋庸請設額外一員兵丁三十名稽查掛驗餘若溪洲汛爲東勢適中向設把總一員兵四十名北關汛在梗枋爲入蘭鎖鑰向設外委一員兵四十名三圍汛在蘭城西北向設兵十名請仍其舊惟炮臺塘

在烏石港口向設兵十名今增五名以上蘭營新增兵額乃由城守北左艦舦三營抽撥與原設兵額及增設營弁合而計之凡都司一員守備一員千總二員把總二員外委四員額外三員戰守兵六百九十五名以爲定制此裁移營制之大畧也至於營署凡蘭營守備存城把總頭圍千總溪洲把總舊皆有署今雖改建各官但稍爲增郭城中更造兵房三十間楊廷理原議加禮遠港建炮臺馬賽山下建南關今改建炮臺於蘇灣則南關之費可省惟蘇灣草山上築一土堡以圍炮臺設把總署及兵房二十間加禮

遠港建外委公所及兵房十間費省而工易竣所有艦舦遊擊改爲淡水營參將與新設噶瑪蘭營都司千總印信鈐記咨部鑄造更給可也道光四年二月議上總督趙慎畛奏行越歲奉改如式時蓋因山匠林泳春滋事兵力單薄議增此也

噶瑪蘭營歸艦舦營參將兼轄新舊兵七百二名由各處抽撥額數

延平協左營兵四十二名內外委一員

延平協右營兵四十一名內外委一員

建寧鎮中營兵四十二名

建寧鎮左營兵四十一名

建寧鎮右營兵四十一名

汀州鎮中營兵三十五名

汀州鎮左營兵三十六名

汀州鎮右營兵三十七名內額外一員

邵武協左營兵四十一名內額外一員

邵武協右營兵四十一名內額外一員

右噶瑪蘭營舊額上府兵三百九十七名

福寧鎮右營兵三十三名

福壇鎮右營兵七名

建寧鎮中營兵一十四名

建寧鎮左營兵十名

建寧鎮右營兵六名

福寧鎮中營兵三十名

連江營兵五十名

長福營右軍兵五十名

羅源營兵三十五名

長福營左軍兵十名

連江營兵十二名

延平協左營兵十三名

興化協左營兵十五名
興化協右營兵十五名

右噶瑪蘭營新撥上府兵三百名卽由戍臺之
城守北左及艦脚三營舊額內所抽撥者瓜代
之時皆准由艦脚八里坌配渡入五虎門

改配臺北班兵 臺灣一鎮水陸十六營班兵一萬
四千六百五十六名自內地五十三營遣戍三年更
替至臺分入各營成滿由鹿耳門配舟內渡此舊制
也臺北各營至郡道遠跋涉維艱嘉慶十五年總督
方維甸奏嘉義以北班兵改由鹿港登舟時以爲便

既而港門淤淺船少兵眾候配需時道光二年鹿港
行商求與淡水之八里坌口分船配載趙文恪公行
鎮道府議四年正月方督檄署臺道以問鹿港同知
鄧傳安署淡水同知龐周皆言兵商之困傳檄乃與
總兵觀喜議覆曰臺灣三口對渡鹿耳門與同安廈
門對鹿港與泉州蚶江對八里坌與福州五虎門對
之故跋涉迂途臺灣北協中左右三營兵三千一百
十名艦脚參將水陸二營并蘭營新舊兵二千二百
三十八名凡五千三百四十八名盡由鹿港一口

舟八里空并無配載商人苦樂不均且帶弁有賠墊之苦亦難責其鈐束官與兵商三者皆不便亟宜且爲變通請以蘭艦滬尾北右四營中上府兵二千一百三十八名改由艦舦參將點驗自八里空配渡入五虎門四營中下府兵與北協三營兵仍由鹿港如故其內地換班來臺應撥蘭艦滬尾北右四營亦請以督標福協延建邵汀福寧長福海壇閩安源連江桐山楓嶺烽火諸營上府兵由督協或福點驗合閩安協酌撥福寧烽火閩安諸營水師哨配載有不敷合福防同知封僱商船協載均自五

門竟渡八里空登岸由艦舦參將點驗分收各營如鹿耳門向例卽順載成滿各兵回內商船每兵一名減配官穀三斗惟蘭營中有興化兵數十名雖上府而距福州甚近且素與漳泉兵不和請皆由點驗配載成滿之日亦由艦舦參將點驗自八里空配渡歸營如此則戍兵來往無跋涉之勞帶兵可賠墊之苦而商船亦不致偏困之嗟矣文恪公如奏入遂以施行

東槎紀畧

營署劉恩田賦二視共二百甲半餘外燉四百

噶瑪蘭營都司在廳治西南南向舊為守備署嘉慶十八

軍裝甲械二十四年署守備王得鳳添建在大堂旁收貯

守備分防城北距廳治三十里在頭圍烏石港內舊為千

翁得魁嘉慶二十一年千總黃廷泰重修

千總二一在城汛在都司署左西向舊為把總署舍嘉慶

脩一在隆嶺嶺汛距廳治北六十里舊為外委公所道光六年千總張煥增

把總二一在溪洲汛距廳治南九里嘉慶十八年把總鄭

距廳治南五里未建一舊為城汛道光五年移駐蘇澳口汛

分防外委七一外委四員內三員協防城汛一員隨防頭圍

一員分防北關距廳治北四十里皆有公所

噶瑪蘭營志

卷四下

武備營署

九

... 噶瑪蘭營志 卷四下 武備營署 九

三間嘉慶十八年外委黃大鳳高鵬飛等分建又額外
外委三員內二員貼防城汛一員分防嘉禮遠汛距廳
治東二十七里嘉慶十八年額外
何繼祖鄭得順等皆建有公所

營房堆卡 兵房一百四間內城汛四十八間四門堆口十
二間頭圍汛十六間北關汛七間隆嶺汛五

間溪洲八間烏石港及三圍汛各二間嘉慶十七年通
判徑淦建頭圍汛房道光二年陸通判呂志恆重修

較場 卽演武廳 在廳治南都司署右凡內外處所牌坊將
旗杆照牆箭道亭矮圍牆俱備嘉慶二

十四年署守備
王得鳳領建

火藥

軍器

局在都司署大堂旁

營莊

馬蘭營隆恩莊田租二所共二百甲年額收穀四百石

一在東勢珍珠美簡歸漳墾戶管納

一在奇武老并烏賽一帶歸泉墾戶管納

附考

雍正八年總兵王郡奏 奉

旨

准恩給營中恤賞銀兩臺澎二處領到本銀槩就臺郡購
買田園糖廊魚塢等業各協營遴員經理於冬成徵
收稅穀糖餉稅銀其應納各縣正課仍依民間則例
交納所獲稅息以六分存留營中賞給兵丁游巡及
有病革退并兵弁拾骸扶襁等盤費以四分解交臺

灣府劃兌藩庫備賞成兵眷屬吉凶事件所截六分
租息每年除賞卹外所有盈餘存貯賞給期滿換回
班兵盤費其出入數目按年造冊送督撫提督藩司
核查在案

案此即臺案
隆恩莊之始

乾隆九年奉

上諭外省鎮將等員不許在任所置立產業例有明禁在
內地且然況海外番黎交錯之地武員置立莊田墾種
取利縱無佔奪民產之事而家丁佃戶倚勢凌人生事
滋擾斷所不免朕聞臺灣地方從前地廣人稀土泉豐
足彼處鎮將大員無不創立莊產召佃開墾以爲己業
且有客民侵佔番地彼此爭競遂投獻武員因而踞爲
己有者亦有接受前官已成之產相習以爲固然者其
中來歷總不分明是以民番互控之案絡繹不休若非
徹底清查嚴行禁絕終非安輯番民之道着該督撫派

書山前為巡臺侍御前往會同巡臺御史等一一清釐凡歷任武職大員創立莊產查明並無侵佔番地及與民番並無爭控之案者毋論係本人子孫及轉售他人均令照舊營業外若有侵佔民番地界之處稟公清查民產歸民番產歸番不許仍前朦混以啟事端此後臺郡大小武員創立莊產開墾草地之處永行禁止倘有託名開墾者將本官交部嚴加議處地畝入官該營官通同容隱並行議處欽此

蘭營東勢隆恩莊其地有葫里府煙社其埔地十六段壹百零柒甲零陸釐叁毫捌絲又奇武荖社埔地

二段玖拾貳甲玖分叁釐陸毫玖絲陸忽合爲十八段貳百甲零柒絲陸忽乃由樹林低浦地角歪斜不堪陞科起則之地准通判翟淦移送册開經總兵武隆阿於嘉慶二十年開一給與漳籍墾戶陳受恩珍珠里簡葫里府煙武罕等荒埔捌拾柒甲捌分零壹毫肆絲一給與泉籍墾戶翁承輝奇武荖等處荒埔壹百壹拾貳甲壹分玖釐玖毫叁絲陸忽聽其自備資本招佃開透限以三年期滿按照該處鄉斗每甲營中抽收二石以爲班兵不時藥餌之需歷年造報容有不敷動用之處而舍此固無所謂營莊也查此

等埔段本近化番社地又低滿欵料樹根滋蔓自非
聽該墾戶出資墾闢人力難施經費無出是以墾透
之後按甲雖收八石除由佃首散給該處社番口糧
劃起四石及該墾戶收領資息二石外營中得收二
石分限早晚兩季就所收本色穀永遠着由墾戶完
納割給串收爲據

戎政

講武 巡閱 軍裝

講武

通禮直省講武以督撫提鎮爲閫帥每歲季秋霜降
日申令本標弁卒校閱於演武場前一日各營將弁
肅隊伍赴校場豫立軍幕屆日黎明軍士擐甲列陣
中軍建大纛於場正中閫帥以牲醴致祭行二跪六
禮中軍以下將士均隨行禮畢軍門鼓吹節鉞前
閫帥徧閱行陣還登將臺升帳儀衛左右分列諸
將擐甲侍臺下中軍詣帳前上行陣圖式請令操兵
過舉旗麾眾合操臺下舉礮三軍中鳴角擊鼓步騎

戎政講武巡閱

甲士聞鼓聲依式前進鳴金則止行陣中施放鳥鎗
連環鎗並如

京營之制如若長槍藤牌刷刀短兵之屬各因其地之
宜以教士卒皆有成法其為陣有正有變每變陣既
將臺號纛為指揮之節臺上鳴角三乃鳴金振旅而
還閱畢試材官將士騎射技勇申明賞罰犒勞軍士
各釋甲歸營伍 水師操防之畧練習於四時其出
洋信候直省不同每歲春秋季月或夏秋之季遇潮
平風正日乘戰艦列陣張颿馭風鳴角發礮俱如軍
律

巡閱

會典綠營總兵於所轄各營歲一閱提督於所轄及
節制各標營視地遠近歲開閱歲三歲一閱臺灣營
伍由將軍總督巡撫及水師陸路兩提督輪往巡閱
各省復定為分年查閱之法四年而徧由部開列領
侍衛內大臣都統及滿漢大學士尚書侍郎奏請
福建浙江一人或即令該督撫查閱並候
其奉

命督撫查閱者有總督省分歸總督辦理總督與巡撫
隔省一時難於徧歷者會商請

旨提督查閱之年總兵停止督撫查閱之年提督總兵停止查閱如

欽派大臣查閱則總督巡撫提督總兵並停止查閱

謹按滿洲兵分鑲黃正白鑲白為上三旗正藍正黃正紅

鑲紅鑲藍為下五旗八旗蒙古漢軍各八旗制如之漢兵統各綠旗

國初定八旗之色以藍代黑黃白紅藍各位於所勝之方

惟不備東方甲乙之色及

定鼎後漢兵令皆用綠旗是為綠營綠營兵在京屬巡捕

五營在十有八省者總督所屬為督標巡撫所屬為

撫標提督所屬為提標總兵所屬為鎮標成都將軍

所屬為軍標直省各將軍惟成都福州廣州所屬有綠營兵福州廣州不設專標河督

所屬為河標漕督所屬為漕標分其治於副將為協

參遊都守為營千把外委為汛僅安兵丁者曰塘置

兵守宿者曰堆以慎巡守以備徵調參吾學錄

軍裝 盔制 甲制 撒袋 佩刀 燹制

盔制 卽冑

會典冑以革髻漆或浴鐵前後有梁梁前橫鐵謂之

遮眉遮眉上謂之舞擎舞擎下謂之護額冑上謂之

覆腕腕上仰者謂之盛盤盤以植管管以受槍槍周

以纓垂於後者謂之護頤左右謂之護耳其下謂之

護頸皆敷以棉或鐵鏤總督巡撫提督冑頂植鷓翎
二銜縷花金葉寶蓋盤座俱髹漆鍍金花及雲龍周
垂貂尾纓十二梁及舞擎亦髹漆鍍金雲龍護項護
耳護頸皆石青緞表藍布裏通繡蟒五中敷鐵鏤外
布銀釘繫石青緞帶二盃襯石青緞表藍綢裏頂緞
紅絨總兵官盃頂植熏獺尾副將盃頂植獺尾皆周
垂朱鼈寶蓋盤座前後梁及舞擎俱鍍銀雲龍餘並
如提督制叅將以下盃垂朱鼈不鍍飾護耳護項護
頸不加繡文綠營兵盃護項護耳俱青布表月白裏
緣如表色不加采繡

甲制

會典甲上衣下裳衣左右謂之護肩護肩下謂之護
腋護肩末謂之袖裳開前爲前襠其左爲左襠裳幅
分左右凡十有一屬均敷鐵鏤敷棉者謂之棉甲敷
鐵鏤於外者謂之明甲督撫提鎮甲石青緞表藍布
裏中敷鐵鏤外布銀釘石青倭緞緣前後及護肩護
腋前襠左襠各繡團蟒一裳幅團蟒二護肩接衣處
鐵鏤二十髹漆鍍金龍條石青色副將以下甲前後
及護肩各繡團蟒一裳幅團蟒二前襠左襠各布銀
釘護肩接衣處鍍銀雲龍餘飾並如提鎮制綠營兵

甲青布表月白裏緣如表色

撒袋 卽橐鞬

會典撒袋以貯弓矢一二品官以革爲之白麂裏綠革緣加紅黃線三道各綴銀二懸革帶藍布裏前繫以鈎左右及後帶版各一帶及銀皆鐵質鍍金三品至五品官紅織絨裏帶及銀皆鐵質鍍銀塗金餘同一二品制六品以下官緣加紅黃線二道帶及銀皆銅質縷花餘同三品制兵丁黑革緣帶及銀皆銅質不縷花餘同六品制

佩刀

會典職官佩刀刃長二尺二寸闊一寸三分鑿爲鐵盤鍍金厚二分柄長四寸二分本質纏線藍色末鉗以鐵亦鍍金繫藍綉室長二尺五寸木質異草飾皆鐵質鍍金兵丁佩刀飾皆黃銅餘如職官佩刀制

纛制

會典督撫提鎮纛綠色斜幅銷金雲蟒或飛熊繆長八尺旂徑五尺八寸旂及斜徑皆爲火猷形杆以竹髮朱長一丈四尺首冠銀花鐵頂承以圓革注朱釐如綠緞影帶爲火猷形銷金雲蟒

武秩

噶瑪蘭營都司

駐劄蘭城蘭設守備
道光五年奉文添設

舊設守備

黃廷耀

閩縣人由行伍嘉慶十
八年四月初二日到補

賴日臣

長汀人由行伍南路千總
十九年七月十一日署

黃廷耀

見前二十五日到任
月二十九日署

三得鳳

建安人由行伍艦艍營千
總廿三年六月廿五日署

朝龍

閩縣人由行伍鎮標右營
二十四年七月十二日補

陸

候陞道光元年十月署
閩縣人由行伍北右千總

龍

見前二年
二月回任

武備 武秩

六

裘朝龍 閩縣人 由行伍北中

陳登高 晉江人 由行伍廬艸營

馬騰蛟 閩縣人 由武舉

新添都司

張克賢 直隸清苑人 由行伍泉州安海汛裁缺都司

陳福龍 長汀人 由行伍北右

徐學禮 長泰人 由武舉北中千

武攀鳳 江蘇上元人 由武進士藍翎

黃鳳鳴 長汀人 由行伍本營頭

張如玉 莆田人 由行伍艦艸營

余躍龍 四川人 由襲雲騎尉陞中遊擊

黃廷邦 龍溪人 由行伍頭圍守備

張如玉 見前 十四年五月

安定邦 四川成都人 由世職雲騎尉升延

張如玉 見前 十九年十月

岑廷高 閩縣人 由行伍升北右守備

李思升 山西代州人 由行伍授北中都

梁進亭 山西代州人 由兵部差官推升城守

董長潘 霞浦人 由武舉署本營守備

朱鴻恩 閩縣人 由行伍薦陞斯缺

頭圍守備 舊設千總 道光五年奉文 改五圍守備 缺移建頭圍

舊設千總

翁得魁 閩縣人 由行伍 嘉慶十八年四月初一日到汛

黃廷泰 閩縣人 廣東籍 由行伍 嘉慶十八年十月拔補

鄧高榮 建安人 由行伍 嘉慶十八年十月到汛

李陞 長汀人 由行伍 嘉慶十八年八月署

薛大魁 閩縣人 由行伍 嘉慶十八年三月署

新制守備

馬騰蛟 見前去 由在城守備 移駐頭圍 道光六年四月二十四日任

張燦 邵武人 由行伍 嘉慶十八年二月署

馬高 武秩

黃廷邦 龍溪人由行伍艦艍營千
總七年四月十一日調署

李 陞 長汀人由本營千
總八年四月署

黃鳳鳴 長汀人由南路守
備九年五月調補

岑廷高 閩縣人由行伍本營
千總十一年二月署

黃鳳鳴 見前
年五月回任

吳廷標 長汀人由行伍本營千
總十一年十一月署

王登寶 人由行伍千總十
年三月二十五署

黃廷邦 見前
五月十九日任

陳天福 閩縣人由行伍千總十
七年九月初一日代

許長明 建寧人由行伍嘉義千
總十一月十八日署

張金泰 汀州人由行伍十九
年三月初六日署

許長明 見前
十九年九月二十六日再署

吳景芳 漳浦人由行伍本營千總二
十二年九月十四日署

張金泰 見前

歐陽寶 晉江人由行伍艦艍營千總
二十四年六月初八日署

蘇連捷 晉江人由行伍本營千總二
十五年三月二十一日署

湯得升 晉江人由行伍中千總
二十八年六月初二日署

董長潘 霞浦人由武舉本營千總二
十八年十二月十一日署

黃遇春 寧德人由行伍南路千總
咸豐元年三月日署

關得麟 莆田人由行伍北右千
總二年三月初一日署

存城千總

舊設把總道光五年新添千總以原缺把總移防蘇灣汛

舊設把總

吳一捷 閩縣人由行伍嘉慶十年四月初一日到營

林捷英 閩縣人由行伍二十一年十一月到

鄭寶 閩縣人由行伍二十四年三月到

林聯英 閩縣人由行伍二十五年三月到

官長茂 邵武人由行伍道光三年五月到

李陞 汀州人由行伍五年正月到

官長茂 見前 六年正月再到

新添千總

Table with multiple columns and rows of text, likely a roster or list of personnel. The text is very faint and difficult to read, but appears to be organized in a grid-like structure.

張煥 邵武人 由行伍道

李陞 見前 由把總

吳廷標 汀州人 由行伍

李陞 見前 九年

黃嘉榮 閩縣人 由行伍

吳廷標 見前 十年

陳天福 閩縣人 由行伍把

趙開麟 閩縣人 由把總

岑廷高 閩縣人 由行伍

陳天福 見前 十二月代

岑廷高 見前 十二月代

王登寶 連江人 由行伍本營

陳鵬 見前 十五年

陳天福 見前 十五年

王登寶 見前 十六年

陳鵬 見前 十九年

吳景芳 漳浦人 由行伍千

張捷魁 龍溪人 由行伍雲霄營

吳景芳 見前 二十年

張捷魁 見前 二十二年

吳景芳 見前二十三
年正月輪

張捷魁 見前二十四
年正月輪

蘇連捷 晉江人由行伍汀右千
總二十五年三月調到

黃球觀 福清人由武舉雲霄營千
總二十五年五月調代

汪起標 甯洋人由武舉把總
二十七年正月署

鄭逢春 延平人由行伍本營外
委二十八年正月代

陳洪希 長汀人由行伍本營外
委二十九年正月代

黃連科 晉江人由行伍調本營外委
二十九年五月十六日護

吳得升 甌甯人由本營外委二
十九年八月二十二代

黃連科 見前 由外委本營
把總三十年正月署

楊得隆 雲霄人由行伍本營把
總咸豐元年二月署

黃連科 見前 二年三
月初 日輪代

薩隆嶺汛千總 禮遠口以外委道光五年改建加

舊派額外

孫標 臺灣縣人由月初八日到防

何繼祖 閩縣人由正月到伍

鄭得順 臺灣縣人由正月到伍

丁開輝 閩縣人由正月到伍

李維春 上杭人由正月到伍

魏朝標 閩縣人由正月到伍

蔣超 閩縣人由正月到伍

吳金龍 永定人由正月到伍

噶瑪蘭廳志

卷四下

武備 武秩

三

江大海 邵武縣人 由行伍到

戴陞 邵武府人 由行伍到

張發龍 長汀人 由行伍到

姜世源 邵武府人 由行伍到

郭上榮 長汀人 由行伍到

薛大魁 閩縣人 由行伍到 北右把總 日代

黃嘉榮 閩縣人 由把總

吳廷標 汀州人 由到

郭飛鵬 龍溪人 由行伍

黃嘉榮 見前八年四月再代

一十年到 再代 人由外委 四月代

吳廷標 正十一月再輪

岑廷高 閩縣人 到

陳天福 正月輪

陳鵬 見前一月代

武備 武秩

九年
八月
六日

由行
七月
拔雲霄千總
二日調到

二月
十二月
輪

二月
十二月
輪

二月
十二月
輪

李得寶
晉江人
由本營把總
二十五年三月二十五日委署

莊金鳳
晉江人
本營外委
二十六年正月代

黃球觀
見前
二十七
年正月輪防

陳玉梅
晉江人
由行伍拔本營
把總
二十八年正月署

勿得隆
見前
三十
年正月署

理科
見前
咸豐元
年正月輪署

子應瑞
長汀人
本營額外
元年正月代出差

千總派員五員分出差
 西員到員五員署
 刺正副員五員署
 西員到員五員署
 刺正副員五員署

溪洲蘇灣 泚把總部內從前千把皆指明泚地至

按爾營額設千把各二員千總係存城與隆隆嶺泚
 年一對換把總為溪洲蘇灣兩泚亦年一輪替以均
 勞逸然每遇出差員缺則以把代千以外委額外代
 把是該兩泚雖屬把總之名究多外額之代迴環更
 替有一人凡五六見者致為參錯茲特標其泚目而
 省其職名庶免紛紛贅敘云

[Faint bleed-through text from the reverse side of the page]

武功

道光三年癸未秋七月刁匠林泳春黨拒山寨水師提督許

松年會陞守胡祖福陞倅呂志恆捕殺之

蘭故林密菁深自新闢後聽四方游手入山砍砮為

匠不以官方禁也惟中有樟料為戰艦需例由官給

資採辦節經臺道檄廳諭令領僱乃刁匠林泳春本

春以私煎樟腦獲利較盈不肯出頭領辦嘯聚四圍

大坡地割蔡黨霸厯廳跣緝緣山後有小路兩條可

通淡艫一從萬順蔡拳頭毋山出口該匪藉以負隅且

其匪夥素無室家圍捕則潛踪遠遁寬恩則妄肆兇

橫自嘉慶戊寅開拷索廳役道光壬午秋抗官奪犯
勢漸鳴張擄人勒贖是歲三月念四日林泳春率林
黑等夥概將廳差吳合擄捉入山凌虐時護倅羅道
恐激成事端但請先爲清莊以觀聲息而小匠張叙
又復於頭圍擁搶料館頭圍署縣丞朱懋曾於四月
開招其匠夥林萬九十八人具領認辦更假之倉居
以分其勢林泳春心懷忿恨卽欲擄萬人夥五月初
旬潛出頭圍遇廳營會捕而止羅道漸覺勢不能遏
與委員計議方告羽書而游擊張朝發已出哨回艦
六月戊戌朔林泳春約同江文魁八九十人持藤牌

執鎗刀入倉與林萬格鬪隨口稱驗傷趕至縣丞署
破壁而入闕堂塞署爲朱懋斥退而所請之兵尙未
派到也復聞林泳春阻絕樵採各於沿山暗伏地弓
以防偵探徧吹竹筒搭蘆爲巢以示設備而近莊民
受其鼓惑而指使者聞亦不少水師提督許松年適
以巡臺閱兵將次入蘭街正陳奠邦等隨赴中途呼
援松年初意未定徑許林泳春以投首不罪之札且
有兵役屈抑之處並准其呈明申理迨六月念日行
抵頭圍見林永泰繳札稱我堂兄林泳春必要免辦
軍工憲示勒石方肯出首松年意拂始令整備軍需

定念七日甲子出師松年駐劄於溪谷朝發由雞籠灣帶兵二百名抵蘭劄內旱漢十日霖益以蘭屬兵役義勇而松年猶於先三日閱兵之初特令淡紳林平候入山招撫林泳春死聽林笨主謀不出陞倅呂志恆莅蘭偵該匪已由內山竄至石壁仔後廿八日隨飭隘首在叭哩沙喃堵截一面分諭蘇灣居民一體防範又飭陳奠邦領帶鄉勇在適中處駐劄七月丁卯朔志恆接篆再懸重賞鼓勵軍民於時匪夥多由內山逃散惟林笨廖準潘違林進吳娥與林泳春結爲死黨不離左右中元夜廳差購線由乾溪山

脚先獲到林笨等五名林泳春如籠鳥簽魚十七日潛出窮谷遂擒之與陞守胡祖福會讞卽將林泳春梟決市曹總兵觀喜亦自彰化策應時截得李和等四名解歸審結於是酌籌船廠採辦工程山匠平十年^庚秋八月夫匪林瓶等糾夥鬪殺總兵劉廷斌會署守王衍慶署倅薩廉剿之

蘭陽一蝸角耳兩夫者蘭陽之蠻觸也兩夫自嘉慶年初望風招墾入蘭爲役本皆赤手無賴之徒迨設官後良則散爲農甿而莠則流爲工腳填街塞市爭運貨物動以血氣相逞於是挑夫之中又各自分氣

類曰和興曰福興和興以林瓶爲首其陳儼住西門
賴成住北門又有所謂和春者而統之亦謂之合興
福興以林僮爲首其吳小棕在梅洲林面總在渡船
頭又有所謂興盛者而統之亦謂之復興此外又有
別號義興夥開福興分定地段包攬客商者大抵一
舖開張不先講定挑僱則兩號小夫登時爭鬪兇威
甚於虎狼撻辱等於奴婢彼入其黨者但掛名簿輪
丁錢卽可以圖保生業否則欺辱侮弱挾怨尋仇中
路一呼須臾而千百響應雖衣食粗足之家不能別
有倚恃故農商工賈而外胥差亦援其聲勢累經地

方官化法兼權無如蔓延日久一旦不可以驟鋤乃
至人無與競出而自相殘逞矣歲庚寅三月有江舖
民者以瓦店一座賃經紀兩夫卽欲爭挑查蘭俗僱
工以該屋初豎柱者爲定江店從前蓋茅無憑定斷
署倅薩廉因令輪挑當堂拈鬮福興拈得本秋起挑
和興亦歎服經已遵結矣及八月八日江舖一開福
夫尙未及挑而和夫陳儼已黨陳水人眾到店力爭
彼此扭毆廳營正在查拏閒街鄰已爲勸散不虞其
勢之燎原也翌日甲午福夫雲集北門外勢不相能
和夫首林瓶聞知不平出糾陳儼與賴成諸衆分執

刀棍直趨渡船頭尋鬪林備林面總與林旺網亦卽
糾其福夥林微等持械出禦正當鎗斃和夫二命見
廳營馳出截堵各卽解散林瓶不甘復於乙未丙申
連日再糾莊瑞諒林爽等五十餘猛帶械尋鬪莊瑞
諒見福夫林備旣糾吳小棕林面總及林發粿等四
十餘猛又自發粿面總轉糾不識姓名持械迎鬪莊
瑞諒亦卽轉糾十餘艇幫同喊殺是日和夫擁眾其
在場而白手助勢者亦數倍於福夫故連斃二三十
命且燬其巢而福夫潰矣廳營見兵力單薄彈壓不
支飛請鎮府艦營兵一面移會淡防各於帶剿未齊

之先嚴察兵役極力捕撫自十二日丁酉解散人心
稍定和夫猶乘勝蠶食近莊兵雖解而民不能支至
中秋日探知師至有期和夫扶病盡逃入叭哩沙喃
將爲死守計也十八日癸卯署叅將周承恩先白艦
帶兵二百名到蘭整備糧臺廿一日會廳督營直抵
月眉圍焚其巢穴和匪逸入番山去而中途則已得
賴成陳儼矣九月丙辰朔總兵劉廷斌督同叅將謝
建雍帶領水陸兵三百餘名入山搜捕淡紳林平侯
與焉越日署守王衍慶到蘭督拏初四日廷斌賞勵
生番遺謝周二將由內山趕逐林瓶等擒解歸案而

福匪亦已白頭圍一帶陸續截得矣九日甲子撤營
是役也梟示者十四軍極邊者四十六間徒者四十
二充附近邊者二其餘各以罪差傲頑克而示震攝
傳觀者不啻千萬無不齊聲稱快和福興平

